




A. BAHEEB







Banceby

АЛЬБЕРТ ВАНЕЕВ



КЫВБУРЪЯС

ПОЭМА



Коми книжной издательство. Сыктывкар

1975

с (коми)
В17

Ванеев А. Е.

Кывбуръяс. Поэма. Коми книжнӧй издательство. Сыктывкар, 1975

208 с.

Бӧрйӧм гижӧдъяс сяма серияын Коми издательство лэдзліснин книгаыссӧ Г. Юшковлысь, И. Вавилинлысь, Ф. Щербаковлысь, Н. Володарскийлысь. И водзӧ вылӧ кутасны петны книгаыс тайӧ серияс.

Альберт Егорович Ванеевӧс коми поэзия радейтысьяс бура жӧнин тӧдӧны. «Ме чужи Войвылын», «Бара кылалӧ йи», «Лун шӧр», «Вежӧдӧны кызъяс» — татшӧм нима кывбура книгаыс петавлісны комиӧн. Рочӧдӧмнас сійӧ лэдзліс кык книга — «Сосны под солнцем» (Сыктывкарын) да «Голубая тайга» (Москваын).

Бӧрйӧм гижӧдъяс сяма серияын лӧсьӧдӧм тайӧ сборникӧ пырисны гижӧдъяс, кӧні коми поэт сьылӧ Войвывнымӧс, сійӧ мусӧ, кытысь петліс йӧзӧ, сійӧ йӧзсӧ, кодъяс ышӧдӧны бур вылӧ, сетӧны вын венны став мытшӧдсӧ, ошкӧ сійӧ бурсӧ, кодӧ пырӧ сьӧлӧмӧ и вежӧрӧ, кыпӧдӧ овны-вывны.

с (коми)

В $\frac{0743-005}{128(M)-75}$ 36—75 м

© Коми книжное издательство, 1975

Варов ёляяс, еджыд яла ягъяс,
Керӧс увті шуныгьсь Эжва ю,
Сыктывкарын дӧлалысь гӧрд флагъяс —
Ставыс тайӧ миян чужан му.

Озыр ыбъяс, зарни гыча тыяс,
Видзъяс весьтӧ ӧшйӧм кокни ру,
Тэрмасъыштысь поездъяслӧн шыяс —
Ставыс тайӧ миян чужан му.

Лыа вылын челядъяслӧн ышмӧм,
Гортса кильчӧ дорын ниа пу,
Дзормӧм юрси вылас мамлӧн чышъян —
Ставыс,
Ставыс тайӧ чужан му.

ЕДЖЫД ЭРДЪЯС

Еджыд эрдъяса му — эзысь Войвыв,
Сөстөм сынӧдыс кольмӧдӧ юр.
Татшӧм вӧр-ваыс, тӧлыся войыс,
Татшӧм йӧзыс оз быдлаысь сюр.

Тӧвся енэжын пӧртмасьысь бияс
Тувсов кыа кодь мусаӧсь мем.
Чужанін менам — паськыд Россия,
Кӧні лымъя республика эм.

Кӧні ошйысьны йӧзыс оз кужны —
Тайӧ мусӧ оз быдӧн и тӧд,
А мый пӧсявлам асланым уджын,
Он ӧд быдӧнлы висътавын мӧд.

И он доль, мый эм вына Печора —
Шуда войтырлы отсасьысь ю,
И оз весь куйлы Тӧв-Поз-Из дорын,
Оз нин узь еджыд эрдъяса му.

Еджыд эрдъяса му — эзысь Войвыв,
Сөстөм сынӧдыс кольмӧдӧ юр.
Татшӧм вӧр-ваыс, тӧлыся войыс,
Татшӧм йӧзыс оз быдлаысь сюр.

Шоныд репасын узьысь тарьяс,
Байдөг кок туйысь сера лым,
Тундра пельöсын быдмысь карьяс
И Вуктыл дорса газлөн вын,
Ичөт сиктъясын кывлөм мойдяс,
Выль шоссеяс и вöрса туй —
Татшөм озырыс менам Войвыв,
Менам чужан му,
Бательн му.

Көдзыд лым — абу нигөн вольпась,
Вöрын уджалысь — абу гөсть,
Керьяс пөрöдны сідзи ковмас —
Киыд турдö, а мышкыд пöсь.
Сöмын сьөлөмöй оз тай доймы,
Трачкысь көдзыдлы кыв ог шу —
Ме öд радейта ассьым Войвыв,
Ассьым чужан му,
Бательысь му.

Кокньыд бобув моз тан не овны,
Лымйөн шомöстö он на кöt.
Пила помысь да пицаль помысь
Батьö шедöдліс кынöмпöt.
Тані донaöсь вына сойяс.
Тан оз кыйöдны кокньыд шуд.
Татшөм, ёртъясöй, менам Войвыв,
Менам чужан му,
Бательн му.

Арся зэръяссö ме ог дорйы —
Сё пöв мусаджык тувсов рöм:
Воём турияс, ловзьöм дзоридз
И поэтъясөн ошкöм льöм.
Сэки миянын лун кодъ войяс,
Вой шөр кыакöд ворсö ю —
Мича, ёртъясöй, менам Войвыв,
Менам чужан му,
Батьлөн му.

Ме ог завидьты некор мöдлы,
Коді нэмсö эз аддзыв лым —
Он кö кынмавлыв, он и тöдлыв,
Кутшöм шондйис овлö пым.
Мамлөн йöвкöд мем муслун воис,
Шоныдін корсьны ме ог мун,—
Меным быдöнысь дона Войвыв,
Менам чужан му,
Батьлөн му.

◆

Торъя муса овлө чужаниыд,
Ставыс сәни югыд, сөстөм, бур:
Сөмын мича рөмъяс аддзө синмыд,
Ньöти тәпкан кок улад оз сюр.

Югыдджыкось сәни тувсов войяс,
Шемөсмөдө вөр-ваыслөн мич:
Торъя югөр шондiыс сән койö,
Торъя шөвкөн лөставлывлө видз.

Шаньөсьджык сән весиг арся зәръяс —
На вылө и элясьны оз позь.
...Мөд ног гортөс казътивны ог вермы,
Мед көть сәсся эскасны көть оз.

Збыль, волись куим кад
Дзик өттшөтш тан,
Ас Коми муын,
Адзывлыны поэбь:
Кор турөбьясөн
Дурө Воркута,
Ухтаын — тулыс,
Леткаланьын — гождём.

Дерт, төдсаджык тэд
Вой төвьяслөн сям,
Но здөвөль овлан
Аслыд вичмём шудён:
Өд тэнө мыськалө
Печора-мам
И дзор Урал
Ки пыдөс вылас кутө.

Лым шебрас улын
Куйлысь чужан му,
Со кымын бур пи
Шонтө тэнө, кымын...
Да-й вой төвьяссө
Парма кө эз кут,
Сэк, гашкө, вөлі
Ыркыдджык и Крымын.

◆

Мед кӧть мунан шоныдінӧ,
Дзоридз пӧвстӧ, море дінӧ,
Кӧні яблонялӧн цвет
Пуксьӧ пельпом вылад тэд,
Век жӧ казътывлыны кутан
Ассьыд лымъя чужан мутӧ.

Мед кӧть дженьыда на олі,
Ыджыд карьясӧ нин волі.
Налысь шемӧсмӧдан мич
Нэм чӧж сьӧлӧмад кӧть видз,
Сӧмын тэрмасын тай бара
Аслад войвыв Сыктывкарӧ.

Мичмӧдӧны ылі муяс
Эжваысь на паськыд юяс.
Сідз жӧ рӧмпӧштан кодъ скӧнь
Налӧн визувтӧмыс лӧнь.
Но кор думыштан ас кежад,
Мыйӧнкӧ да — абу Эжва.

Кутшӧм сьыланкывъяс тӧда,
Тшӧтш и йӧзын сьывны мӧда.
Гашкӧ, гортысь оз и сюр
Сьыланкывйыс сэтшӧм бур.
Сӧмын йиджанаджык сьылан
Век жӧ аслад чужан кылӧн.

МЫЙ КӨТЬ СЁРНИТ...

Мый көть сёрнит,
Мый көть висьтав,
Мый көть гарав,
Мый көть шу,
Сөмын лёк кывйён эн лысьт тэ
Видны ассьыд чужан му.

Весиг мисьтём зыбуч нюръяс,
Весиг нййтён пөдөм ты...
Корсян сьёлөмсьыд кө,
Сюрас,
Сюрас налы шоныд кыв.

Некор Войвылөс эг ёрлы
И эг сетлы мисьтём ним,
Мед көть овлывлө зэв чорыд
Менам лыска чужанін:

Сьёкыда сэн чужё тулыс,
Сёрөн кылавлывлө йи,
Сэні корсюрө июльын
Вой төв улын кынмам ми.

Нинём дзевны огө мөдөй,
Тайё ставыс эськө сідз...
Но ме өттшөтш бура төда
Лымья эрдьясөйлысь мич.

Тода өмидз көра сынөд,
Озъя тыла, изъя көдж...
Тода, чужисны тан кымын
Сөстөм сьөлөмъяса йөз.

Мый көть висьтав,
Мый көть гарав,
Мый көть сёрнит,
Мый көть шу,—
Чужанінөй — лыска парма --
Абу кедзовтана му!

Мозын бокин куйлө Буткан сикт:

Сәни гөгөр пожөм,

пожөм,

пожөм...

Мукөд сиктын кодь жө татчөс гөжөм,

Торъя бурыс нинөм абу дзик.

Оз зэв нимава менам чужанін —

Миян сиктсаянь спутникъяс эз лэдзны,

Но тан йөзыс оз жө прөстө педзны,

Новлөны көть прөстөй йөзлысь ним.

Гажтөмча ме, ог кө аддзыв дыр

Пожөмъяслысь сөстөм, югыд мичсө.

Ми өд весиг кодзувъяслысь дзирдсө,

Буткансаяс, аддзам пожөм пыр.

Мед мем олөм дасьтас сэтшөм пай —

Сөстөм сьөлөм пожөмъяс моз видзны.

Пожөмлы өд, ляскы көть —

Оз сибды

И оз лөсяв мисьтөмтор да няйт.

Эм Коми му.
Эм менам чужан сикт,
И керка,
Кöні потан менам вöвлі,
Көн мукöд пöрысь пöчьяс моз жö дзик
Сё муса пöчöй сывліс меным: «Öввö!»

Ме быдми, сюрліс велöдчыны кад,
И сикткöд йитысь сюрöс быттьö ори.
Но мыйла сьöлöм овлö сэтшöм рад,
Кор кыскас менö югыд Мозын дорö?

И кадөн мыйла гажтöмчöм оз быр,
И кöсйысьсьö мем лунысь луно ёна,
Мед чужан сиктöй шуда лоас пыр
Да батьлөн керка нэм чöж лоас шоныд?

Джын сиктыс — рöдвуж,
Лыдтöм — чой да вок,
И тöдöны, кыз ола-выла йöзын.
Дерт, чатөр юрөн сиктö ме ог лок,
Но пола сэтчö локны лювгöм бöжөн.

И öти сэтшöм кöсйöм видза век:
Мед эськö яндзим ме вöсна эз кöвъясь
Ни сиктлы, кöні коркö чужи ме,
Ни керкалы, көн потан менам вöвлі.

Пыис ю, тэ петан сьод вөр шөрысь,
Дінад эз коль ньоти олысь морт:
Ыбула да Нэбдін вөлі төрыт —
Онi ставлөн Мозын дорын горт.

Пыис юй, йөз вылас эн дөзмы —
Мортыдлы өд колө паськыдін..
Да и сиктыс, кытчө лэччис йөзыс,
Тэнад нимөн шусьö:
«Пыисдін!»

Баллада

Көть нимкодясь на вылө помтөг,
Кор зонпосни ю дорын тыр.
А накөд тшөтш ворсны кө пондан,
И ачыл сэк томмыштан пыр.

И төдлытөг вынсялас сойыд,
Зэв окота овывлө сідз:
Лөнь ва вылысь «сөчөнъяс сөйиг»,
Дзик на моз жө шыбитны из.

И небыдик туруна сёнысь
Тшөтш окота аддзыны гум.
...Ой, зонъяс, ті, ичөтик зонъяс,
Ас мунымлөн аския лун.

Эм олөмын чуймөданторъяс:
Збыль, зонпосни йылысь он төд,
Мый му пасьта нималас коркө
Со тайө, а оз кодкө мөд.

А мөд, гашкө, Марс вылө кыптас,
Сэсь дзоридзьяс лэччөдас тэд.
А коймөдысь төдлытөг быдмас
Лөз пармаса ыджыд поэт.

Том зонъяс век зільоны выльлань,
Мед чуймөдны ассъыныс му,

А кодї да кыдзи да мыйла,
Дерт, водзвылысь стōча он шу.

...Роч му вывті ветлōдліс коркō
Том ёртъяскōд ичōтик зон,
Тшōтш котравліс, вильшасьліс, ворсліс
Да чойяслы вōчывліс чом.

А гожōмын Волга ю дорын
Бурлакъяскōд коллявліс вой.
Сэк кывзывліс йōзыслысь сёрни,
Кōн вōлі куш шоглун да дой.

И кыліс, кыдз ойзō Россия,
Кōн царь олō — енмысь на ен...
А ичōтик зонкасō сійōс
Зэв этшаōн тōдлісны сэн.

Но быттōкō позьтōмтор веніс,
Кор вынсяліс зонмыслōн борд,
И быдмис детинкаысь Ленин —
Роч муывса медыджыд морт.

Эм олōмын чуймōданторъяс...
Кор гымыштіс бōръя война,
Кор миянлысь шуднымōс дорйис
Став вынъяссō зэвтысь страна,

Смоленск дорса неыджыд карō
Кор пырис фашистскōй лēк пон,
Сэн оліс нин Юра Гагарин —
Лōз синъяса ичōтик зон.

А враг кōсйис чишкавны бйōн
Да быдōнлысь орōдны нэм,

Мый чужтіс да быдтіс Россия,
Мый бурыс роч му вылас эм.

Но некод ни вѳтѳн ни явѳ
Эз вермы сѳк видзлыны дум,
Мый Юрий — ас мунымлѳн слава,
Россиялѳн аскиа лун.

Эм олѳмын чуймѳданторъяс...
Мед талунъя ичѳтик зон
Дзик нинѳмѳн оз на кѳ торъяв,
Оз тѳд на кѳ ассьыс бур дон.

Но верстьѳѳсь лоасны найѳ,
И чукѳрмас мывкыд и сям,
Мед миянысь вылѳджык кайны,
Мед мичмѳдны Рѳдина-мам.

И мам ассьыс пиянсѳ шонтѳ,
И некутшѳм грѳзысь оз пов:
Россияын быдмѳны зонъяс,—
И бурджыкыс нинѳм оз ков!

Ме зэв шуда му вылын ола,
И сьывсьö, и нюмъявсьö мем,
Но медся нин сы вöсна долыд,
Мый бур йöзкöд колляла нэм.

Ме висьтала кывбура кылөн
Выль во кежлö медыджыд мөвп:
Бур йöз пöвстын паськыд му вылын
Мед шудтöм ни гажтöм эз вöв,

Мед миянö тулыс эз сёрмы,
Мед вой төвлы сывъяс эз шед,
Мед Выль воин некод эз дзормы,
Да-й некод эз пöрысьмы мед.

Мед югъялас шондi, мый вермас,
Мед гожöмыс лоас зэв кузь,
Мед му вылö усясны зэръяс,
А синва-мед нёти оз усь.

Мед Выль воин мичаник нывъяс
Том мусуклы сетасны ки,
Мед чужасны выль сьыланкывъяс,
А кодлөнкö ныв либö пи.

И радлун мед унджыкысь волас
Выль воин и тэныд, и мем.
Ми зэв шуда му вылын олам,
И бур йöзкöд коллялам нэм!

Кольөм лунъяс — абу кусөм кодзувъяс,
Некыдз найөс вунөдны оз позь,
Шудсө найө вайлывлісны содз тырйөн,
Уджалісны найө миян моз.

Кольөм лунъяс миянөс эз пөръявны —
Уна буртор вөчис мортлөн ки.
Кажитчө, мый некод сэк эг пөрысьмөй,
Сөмын ставным быдмыштімөй ми.

Сідз жө, кыдзи быдмисны выль керкаяс,
Ыбъяс вылын быдмис зарни сю,
Содтөд из шом кайис мулөн веркөсө,
Мичаммыштіс менам чужан му.

Тіянлы тась аттьө, кольөм лунъяссөй!..
Сөмын Талуныскөд киясьмөй кор,
Олөм туйяс кузя чожа мунігөн
Локтан лунлань видзөдө век морт.

Медся ыджыд шудыс миян водзын на,
Талун сійө тыдалө нин со:
Локтан лунъяс — югыд, мича кодзувъяс.
Видза олан, локтысь шуда во!

Мыйла вöчин тэ
Менö унтöмөн,
Кысянь пöльтан тэ,
Шоныд лун тöлöй?

— Медым долыдджык
Вöли овнысö,
Мелі тулыслысь
Вайи лов шысö!

Киөн öвтышта,
Бара бур сиа —
Кытчö туй кутад,
Тэрыб турияс?

— Курлы-кур-лы! Ми
Бордъяс доймытöдз
Лэбам-шенасям
Чужан войвылөдз.

Кытчö пышъянныд
Гора сёрнитіг,
Сувттöг-шойччытöг,
Варов шоръяс ті?

— Туйыс, кузь туйыс
Миян водзын öд,
Сельгам-төрмасям
Югыз Мозынöдз.

Чужанін понда
Сьёлём косьмё тшөгш...
Вайёй, донаяс,
Менё босьтёй тшётш!

Небыд турунлөн ныр эз на мыччысь,
Шонді лымсө эз быдлаысь сот.
Увлань өшөдөм кияса кыдзлөн
Со на талунөдз корйыс эз пот.

Тулыс миянө тәрмасьтөг локтө,
Оз быд во веськыд туйястө корсь:
Скөрмас,
 дөзмылас,
 кежалас бокө...
Бур на, майын кө лымйөн оз ворс.

Таво тулысбыд пыр на жө гегдам,
Зептө дзевбывлам ассьыным ки.
Но пельк сырчик нин висьталіс:
Регыд
Бара чегъясяс-кылалас йи.

Бара вөр-ваным пыркнитчас-садьмас,
Кутас пель водзын тінгыны ном.
Бара ю дорын, льөм пуа садйын
Чилзысь лэбачьяс восьтасны вом.

Бара, бара...
А олөмыс водзын:
Ми эг рушмөй,
Эг ныжмөй на ми —
Гажтөм мөвпьястөг видзөдны позьө,
Кыдзи тулысын кылалө йи.

Сьӧлӧм серти мем сьыланкыв кыптӧм.
Кодлӧн мыла да тӧдса зэв шы.
Сьӧлӧм серти мем тувсовъя ытва,
Вильыш томлунлӧн муртавтӧм вын.

Сьӧлӧм серти мем, верма кӧ мортлы
Повтӧм сьӧлӧмас содтыштны би.
Сьӧлӧм серти мем видзӧдны гортсянь,
Кызди тулысын кылалӧ йи.

МАЙБЫРӨЙ ТУЛЫСӨЙ...

Майбыр жө нин, гажа тулыс
Вежө паськөм чужан мулысь.

Ставсө вөччөдалө сөмын
Турунвижөн — олөм рөмөн.

Сэки йөзлөн югыд думъяс,
Сэки коді оз и нюмъяв.

Ныла-зонмаөс сэк аддзан,
Нимкодясян, томман ачыд:

«Майбыръяс жө, чөдья-озья —
Кутшөм мича лоас гозья».

Налы шуан, думнад шуан —
Югыд мөвпьяс сьөрсьыд нуан.

Майбыр, тулыс, гажа тулыс,
Вай эн тәрмась, дырджык сулышт.

Откодьөсь ті, көть он чайт пыр,
Шоньд кывъяс — м а й д а м а й б ы р!

Гожомыд коть миян
Чаль чунь кузьта-й эм,
Челядь дырсянь сійö
Медся муса мем.

Дзоридзьяслөн кöрыс
Чöскыд овлö век,
Морöс тырнас вөр-ва
Лолавывлö сэк.

Ставыс сэтшöм муса —
Вөр-ваыслысь нюм
Гожöмнад оз кусöд
Весиг зэра лун.

Тэнö, пожöм лыскöй,
Тэнö, коръя вөр,
Кöдзыд зэр кö мыськас,
Шондi косьтас бөр.

Ярьюгыд шондїлөн нюмыс
Пакталө, сылө и вошө:
Быттьөкө кыр горув тупыль,
Гөгыльтчө войвывса гожөм.

Зэв регыд турунвиж корйөн
Ошйысьö вөрдорса пипу:
Медводдза пужйөн и сотчө,
Лоö, кызд öгыра бипур.

Лэбачьяс, лунвывса гөстьяс,
Регыд жö овлөны гортын.
Позъясысь петасны пиян,
Неуна ёнмыштас бордныс...

Зэрөн да пужйөн, да лымйөн
Лэбачöс повзьөдлө арыс.
Вөтлөмөн вөтлас.

А лэбач
Тулыснас воö нин бара.

Войвывса гожөмыд дженьыд,
Дженьыд да, тыдалө, мелі,—
Лөгавны чужан му вылад,
Сьөлөмыд бур кө, он велав.

Скөр вой төвлөн гыпкөм да ойзөм —
Быд комилы зэв төдсатор:
Оз идзасысь — сыв кызта козыйсь
Ён керкаяс зымкнитө морт.

Весь ымзыштас вой төв да-й довгас —
Куш киөн тай мортөс он босът:
Лют вой төлысь поэбө не повны,
Вот лун төвтөг овны оз поэв.

Од лун төвтөг рудзөг оз быдмы,
Лөнх курьяө чери оз кай.
Шань лун төвтөг льөм дзоридз кынмас,
Дай вөр-ваыс вотөс оз вай.

Од лун төлыд — гажсора олөм,
Көрт пачьястөг шоналөм горт.
Ой, лун төлөй, небыдик лолөй,
Тэд радуйтчө Войвывса морт.

НИМТӨМ ЁЛЬ

Сылы некор оз нюмдыв шонді,
Некод ошкана кыв оз доль:
Пуяс костод да изъяс вомон
Дзольгө-визувтө ичот ёль.

Сэссия, быттьокө сідз и колө,
Ёльлы онөдз эз сетны ним.
Көть быд керкаын сійо олө,
Мыськө челядьлысь унзиль .син.

Гусьон, ошйысьтөг сиктө лэччө,
Йозос юкталө уна нэм...
Кутшөм ёльыслы делө сэтчөдз,
Гора ним сылөн абу-ө эм?

Коді йӱз муын ветлывліс, тӱдӱ,
Мый он вунӱдлы ас чужан сикт,
Рӱднӱй сикт, коді свет вылас ӱти,
Муса сьӱлӱмшӱр мамным моз дзик.

Вермас кольны салдат китӱг-коктӱг,
И кӱть коктӱмлы быд туй зӱв кузь,
Чужан сиктас кӱть бауӱн локтас,
Сьӱлӱм тӱпкӱм мед сӱмын оз кус.

Чужан сиктаныс шудаӱсь нывъяс,
Тані мыладжык гудӱклӱн шы
Да и радейтана сьыланкывъяс
Он ӱд быдлаын ӱтмоса сьыв.

Чужанінад век кажитчӱ сідзи:
Быттьӱ олӱ тан торья бур йӱз,
Торья мичаӱсь мӱдлапӱв видзьяс,
Зонлӱн муслуныс торья нин пӱсь.

Локтас гортас и лунвывса лӱбач,
Шонтас-вильмӱдас ӱновтлӱм поз:
Оз ӱд позь ассъид муслунтӱ дзебны
Да и ӱновтны-кольны оз позь.

Орчӱн ветлӱны тулыс да томлун
ӱта-мӱд вылас радуйтчигтыр.

Налысь вынійорсö некор не помны,
Налон мичлуныс некор оз быр.

Медбур кösйöмъяс, медьюгид думъяс
Шуда том дырйи новлөдлам ми.
Мед жö лоасны шондiа лунъяс,
Кодыр тулысын кылалö йи!

Йӱз муын кӱ чорыда висьман,
Быть кулан пӱ,
Пасьмунас шуд:
Быд дойтор оз косьмы, а письтас,
Меддона лекарство оз кут.

А гортад и висьӱмыд повзяс,
И кувлан да дзикӱдз он кув,
Кор миянлысь виччысьӱ ловзьӱм
И ӱмидз,
И гӱрдӱдысь пув.

Кор юрлӱсыд небыдик нитшкысь,
Кор вольпасьыд — небыд ньыв лыс,
Кор пӱлялӱ ноддя ас пытшсьыс
Бур шоньыд,
Кыдз мам сьӱлӱмсьыс.

Дерт, гашкӱ, и абуджык сӱдзи,
Ог вензьы ме,
Нинӱм ог шу.
Но тӱда, сӱ висьӱмысь видзӱ
Да бурдӱдӱ ас чужан му.

Кыдз ловъялы олѳм,
Кыдз муыслы мич,
Сідз йѳзыслы колѳ
Владимир Ильич.

И тэныд, и меным,
Кѳть кѳні, кѳть кор —
Пыр отсасьѳ Ленин,
Медматысса морт.

Ильич вѳвлі ылын,
Но кѳн кѳть эз вѳв,
Ас Волгаыс йылысь
Пыр лелькуйтліс мѳвп.

Кыдз турун бур видзкѳд,
Кыдз берегкѳд ю,
Оз торъяв Ильичкѳд
Ас роч чужан му.

Кыдз шонді да енэж,
Кыдз чардби да гым,
Сідз йитчѳмны Ленин
Да Партияным.

И век кежлѳ сійѳн
Ен надея эм,
Мый Партия миян
Оз вынтѳммы нэм!

Көть ывлаын гындысьö турöб,
Важ керкаын шоныд да лöнь.
А менам учительлөн юрыс
Со гыöртöм пожöм кодь скöнь.

Ми рытивбыд пукалам ськöд
Да нюжöдам сёрнильсь визь:
Ме кывза лов дзебöмөн, шытöг
Ас коми учительльсь висьт...

—Ме дыр сійöс виччыси, пиö,
Кор школаö чукöстас ар.
Сэк первойысь босьтi ме киö
Дзик медводдза коми букварь.

Ме книгасö восьтi,
А сэни...
Тшöтш йирмöг и пöсь лои мем:
Выль книгасянь нюмъялис Ленин
Да ставнымлы вöзйис бур нэм.

И ышöдис, чуксалис водзö,
Мед тöдöмлун чукöртiм ми,
Мед олöмсьыс аддзимöй кодзув,
А эг сöмын дзузгана би.

О, кутшöм ми вöлимöй радöсь,
А зильöмным кыпыд да яр:

Октябрь революция кадӧдз
Эз вӧв ньӧти коми букварь.

А сытӧгыс некутшӧм ӧдзӧс,
Кӧть игантӧм сійӧ, он вӧсьт:
Оз овлы кӧ тулысын кӧдза —
И арнас дзик нинӧм он босьт.

А ӧні со Пармаын, гортын,
И школаяс, и институт...—
И дзирдыштіс Ленинлӧн орден
Учительлӧн морӧсын друг.

— Ми выль бердас сьӧлӧмсянь босьтчим
И ловзьӧдім сиктъяс и кар,
Од Лениныд миянлы вӧсьтіс
Не сӧмын,
Не сӧмын букварь.

А олӧмлысь югыдсӧ тадз жӧ...
И ӧтитор шуны ог пов:
Мед Ленинӧс ловйӧн эг аддзыв,
Но сытӧг и лун ме эг ов.

*„Владимир Ильич кувсьём
бёрын нин ёти крестьянка,
ачыс коми, ыстис сылы письмё
да ас кинас вёчём кузьчышъ-
ян. Пемыд вёрын оліас тайё
пёчёыс ничём абу и кывлө-
ма Ильичлөн кувсьём йылысь“.*

Н. К. Крупская.

Парма-вёрын гу кодь вёлі пемыд —
Эз друг кыв Октябрьлөн гыма шы,
И эз быдён төд, мый олө Ленин,
И эз кывлы сылысь биа кыв.

Сёмын кадён гораторйыд кывсяс —
Бур юёрыд воас сёр ли водз.
Регыд том йёз сиктын кутис сьывны:
«Ленин, Ленин —
Миян дона вождь!»

«Ленин, Ленин» —
Быд керкаё пырис
Тайё нимыс, кызди рөдвуж ним.
Сійё югзис Ленин оліг дырйи,
Да и кулём бёрас эз жё сім.

Кужысь киа пёрысь коми пёчлы,
Кузьчышъянъяс коді кыис дыр,
Коді нэм чөж мичлун зілис вёчны,
Ленин вёлі ловъяён жё пыр.

...Татшөм шөртсө печкывлөны этша,
Мыйысь кузьчышъянсө кыис пөч.
Артмис сэсса сэтшөм мича, сэтшөм —
Көть оз эскы, ачыс кө эз вөч.

Шөрт пыддиыс быттьө шонді югөр,—
Омидз рөма, ловъя сэн узор.
Ассыс муслун дзоньнас кө оз чукөрт,
Татшөмтор оз вермы вөчны морт.

Аслас нывлы, велөдчыштөм Глашлы,
Пөчө тшөктіс письмө гижны сідз:
«Вөчөмторйөй асывъясын, гашкө,
Парманымөс казътас тэд, Ильич...»

...Кольөм во ме волі пөчө ордө:
Өні вөчө ныв, мый кужліс мам —
Коми аньяс талун, кыз и коркө,
Кузьчышъянъяс мичмөдөны тан.

Тайө збыльысь чуймөдан искусство,
Кодлөн мян кадө вына борд.
Нимкодълунөй менам вөлі кустөм —
Ме өд ачым тшөтш жө коми морт.

Эз, Ильич эз аддзыв аньлысь козин..
Босьтліс кө ас киас кузьчышъян,
Донъяліс, дерт, надейтчыны позьө,
Коми йөзлысь мичлун вөчан сям.

Чизыр кӱдзыдсӱ тулысыс веніс,
Волга ю кузя кылаліс йи...
Сэки чужис Россияын Ленин —
Паськыд мунымлӱн меддона пи.
Чужис шондіа тувсовъя кадӱ,
Кодыр енэжыс пасьтала лӱз,
Кодыр видзӱны сьӱлӱмас радлун,
Олӱм бурмӱмас эскӱны йӱз.

Сӱмын вӱйдӱр эз козьнавлы шудсӱ
Югыд тулысын садьмывлысь му.
Йӱзлӱн шог вӱсна овлывліс гудыр
Волга ю — миян матушка-ю.
Уна вояс чӱж нывъяс да пиян
Чужан му вылын олісны сідз...
Дыр зэв виччысис миян Россия
Сійӱ лунсӱ, кор чужис Ильич.

Талун вӱсьлалӱ водзлань Россия,
Кытчӱ петкӱдлӱ Ленинлӱн ки.
Коммунизмыслысь яръюгыд бияс
Чужан му вылын ломзӱодам ми.
Аддзам Ленинӱн кыпӱдӱм мулысь
Шуда томлун да тувсовъя мич.
Кык пӱв гажа Россияын тулыс,
Мый сӱк чужис Владимир Ильич.

ПАМЯТНИК ДОРЫН

Менсьым муӧс вӧрӧяс весьтӧд аддзан —
Быдмысь карлысь, дзоля сиктлысь мич.
Талун Сыктивкарсянь Эжва катчӧс
Шуда синмӧн видзӧдан, Ильич.

Лэптӧм кинад водзӧ мунны индан,
Быттӧ сетан йӧзлы бур сӧвет.
Коми муын быдмӧм катшасинъяс
Пионеръяс вайлывлӧны тэд.

Кыз нӧ тэныд аттӧ кыв он висьтав,
Дона мортӧн кызэи нӧ он шу:
Тэнад ловъя пиян — коммунистьяс
Вильмӧдӧсны менсьым чужан му!

ОКТАБРЬ

Октябрь — абу сөмын руд кымора енэж,
Октябрь — сийө чуймөдан кад,
Октябрь — сийө Смольнойсянь веськөдлысь Ленин,
«Авроралөн» вунлытөм залп.

Октябрь — абу сөмын веж паськөмтөм пуяс,
Октябрь — сийө нюмъялысь йёз,
Октябрь — сийө космосө гижталөм туйяс
И юрвесьтса енэжлөн лөз.

Октябрь — абу сөмын век дөзмөдчысь зэръяс,
Октябрь — сийө флагъяслөн би,
Октябрь — сийө ставыс, мый талунөдз вермим,
Да-й аски мый вөчам на ми!

ШОНДИА ОКТЯБРЬ

Тэ быдөнӧс козьналін шудӧн...
И кӧсья ме тӧдны, Октябрь,
Дас сизимӧд воас сӧк кутшӧм
Тан, Комиын, сулаліс ар?

Сӧк, гашкӧ, тан дӧжнасис-зӧрис,
А, гашкӧ, и ыдждаліс тӧв.
Но эскыны некыдз ог вермы,
Мый енӧжын шонді эз вӧв.

Од сӧки важ Му вылын ломзис
Пӧсь лов шыа шуда Выхь нӧм!
И быдторсӧ аддзывалысь шонді
Эз саймовтчы —
Эскыссьӧ мем.

Яр шонділӧн нюмдӧмысь арын,
Кыдз тулысын, гажмисны йӧз,
И лоис сӧк менам сьӧд Парма
И югыд, и тӧдчымӧн лӧз.

И век меным мӧвп сӧтшӧм волӧ,
Мый вӧлі сӧк шондіа ар,
Кыдз шондіа миян став олӧм,
Мый йӧзыслы восьтіс Октябрь!

И бара на Октябрьской праздник водзын
Ме аддзылі Москвалысь югыд мич
И Мавзолейлань уна йозкөд орччөн
Сэк восьлалі и мөвпалі ме сідз:

Со тайö мортыс паськыд Волга юкөд
Нэм кежлө йитіс Пармалысь быд шор,
И Коми му — Россиялөн жö юкөн,
И Ленин — коми йöзлы ашшөр морт.

Кор локтамöй Роч мулөн сьөлөм дорөдз
Ми, кызд ас йöз, тан копытчылам век...
Но видзöда да:
Флагным рöма дзоридз
Гранитной тшупöд вылө пуктіс негр.

И кызкө лоис нимкодь мем и шонид,
Мый Роч му вылын чужөм коммунист
И саридзсайса войтырлы тшөтш дона,
И сэн тшөтш олө Ленин йылысь висьт.

А тани ломзё Кремльлөн югыд кодзув,
Ильичлөн сьөлөм быттьö ломзё сідз...
Ме вöлі сэн Октябрьской праздник водзын.
Көн узьö-шойччö кувалытөм Ильич.

ПАРТИЯЛӨН ПИ

Чужомсянныс славной Комсомол
Партиякод юклис тожд и мог.
Тайо могсьыс бокин эз жо овлы
Миян войвыв, Коми комсомолным.

Ыджыд Революциялысь би
Парма-ворын озтис налон ки.
Комсомолын, Партияын енмис
Вунодлытом Каликова Домна.

Кисыныс эз усьлы пила-чер,
Родина кор ыстис лэдзны кер.
А кор ворог кутис логсо песни,
Повтомлунсо петкодлис Оплеснин.

Со и талун уна ыджыд мог
Сулало тэ водзын, Комсомол:
Помтом газопроводсо — «Вой кыа» —
Нюждисны том войтырлон кияс.

Партиялон быдтас,сылон пи,
Коми комсомолным, конось ми.
Талун сылы аттьо кывсо шуны
Сьолөмсянныс вермас Коми муным!

И Будённийкөд өттшөтшъя дед,
И том нывка, код школаө волө,
Өтмоз чолөм кыв шуоны тэд:
Ов да дзоридзав пыр, Комсомолөй.

Комсомол!
Миян томлун да шуд,
Мортлөн олөмын шондiа тулыс.
Некод воськовтө тэнсьыд оз кут,
Тэкөд ставыс, мый эм миян бурыс.

Комсомол новлө Ленинлысь ним —
Нимыс батъяссиянь вуджлывліс миян.
Челядь, кодъясөс быдтамөй ми,
Сідз жө лоасны Ленинлөн пиян.

Донатор — комсомольскөй билет
Мортлөн сьөлөмө нэм кежлө кольө.
Быдөн сы вөсна шуоны тэд:
Ов да дзоридзав пыр, Комсомолөй!

Тулысын ловзёны каръяс,
Тулысын мичаммё му,
Тулысын Юрий Гагарин
Писькөдіс космосё туй.

Кыпөдіс Шонділань сійёс
Рөдина-мамнымлөн ки.
Медводз сэн вөлі, Россия,
Тэнад збой сьөлөма пи.

Космосын Юрийкөд вөлі
Ачыс Владимир Ильич.
Радуйтис Ленинымь сьөлөм
Садьмөм планеталөн мич,

Видзөдіс гөрд партбилетсянь,
Нюмьяліс меддона морт,
Мый коммунистьяслөн светас
Быдөнысь вынаджык борд.

Чужан му!
Тэнад пось морос вылын
Кымын сулалё из обелиск —
Став советской героическим йылысь
Состом,
Гордой
Да чов олан висьт.

Кызкё ёсджыка съоломад бытшкас
Оттшотш логлун
И муслунлон би,
Кодыр дзоридза школьной парк пытшкысь
Обелискъяссё адзамой ми.

Сэни — челядь...
И оттшотш героичес,
Налон подвигыс чуймодис мир.
Тэнад, чужан му, бурдлытом дойыд —
Дженьыд олмныс —
Чардбилон дзирд.

Нинюм налы эз вов тэысь дона
И тэ, Родина, мовпалан со:
Усьом челядьсыд мый вермис лоны,
Мыйта шондиатор!..
Да эз ло.

Школа выланыс жалитан синмөн
Обелиск налөн видзөдө.

Да!

Челядь колисны кувлытём нимъяс,
Кызди кувтём вит пома звезда.

Бара шуд усис быдтысьны тэныд.
О, кыз косьян тэ, Рөдина-мам,
Воча-воча эз волены медым
Муса челядь
Да зывök война.

1. Талуңья серпас

Ланьтөм паркын абу ру ни төв,
Бөрзөдчүтөг онялыштө сынөд.
Нывбаба сэн пукавлывлө чөв
Аслас внуккөд, донаыскөд, суккөд.

Сийө — вильыш...
Сылы — витөд ар...
Инас сийө некыдзи оз өшйи:
Талун нин дась кытшовтны Му шар,
Талун нин дзик ставсө төдны көсийө.

Нывбабалөн мөвпыс:
«Мед пө, мед...»
Гусьоникөн нюмъялыштас бабыс.
Но вот өтчүд:
«Вовиклөн эм дед,
Но а мыйла менам дедөй абу!»

Енэж — сэзь.
Но быттьө кучкис гым,
Перйис фото бабыс, внуклы сетис:
Лейтенантлөн пельпом сайысь тшын
Да том чужөм внукыс аддзис сатысь.

«Тайӧ — тоштӧм,
Тайӧ абу дед,
Тайӧ — зонка...
Менӧ ӧд он пӧръяв...
Ичӧт морт эз вермы тӧдны, дерт,
Мый фронтвывса фотоыс — медбӧръя.

Нывбаба эз кыпӧд дзормӧм юр,
Внуккӧд вензьӧм вылӧ эз вӧв помка.
Воча кывйыс сідзи и эз сюр:
«Мый нӧ вӧчан, пиук?
Дедыд — зонка»...

2. Печорабердса сиктын...

Ми нуръясим, узыны нин водім,
Но дед вӧлі сёрнитны рад
И петкӧдліс важмыштӧм фото:
«Медічӧтик пиӧй, салдат...»

И петкӧдчӧ миянлы серпас:
Фашистъяс со вӧлӧмны тан —
Салдат сайын сотчысь на керка,
А бокинджык — жугалӧм танк.

Салдатлӧн став чужӧмыс шудӧн
Дзик ойдӧма...
Зэв тешкодьяг
Ас пидзӧсьяс пом вылас кутӧ
Да кагалы паньӧдӧ рок.

И быттьокö шуалö:

«Радлы,

Тэ, нывкай, эн сэсса бöрд:

Од тайö сöветскöй салдатъяс,

Ми тэ дорö писькөдчим бөр».

Ми аддзылім важмыштöм фото

И видзөдім дзебөмөн лов...

Эм снимоклөн мышкас и содтöд

«Бать,

Тöрыт ми мездімөй Псков...»

*„Гашкѳ, таво гожѳм ог на лок,
Но быть локта коркѳ, локта“.*

А. Размыслов.

Кадыс вѳлі сѳк чорыдысь-чорыд:
Мургис юр весьтын свинеча гым.
Медбур пиянсѳ Рѳдина корис
Чужан му весьтысь разѳдны тшын.

Зілин личѳдны мамыдлысь шогсѳ,
Коді письмѳтѳ лыддис быд рыт:
«Таво гожѳмнас, гашкѳ, ог локтѳй,
Но ми гортаным локтамѳй быть».

Эн, тѳ ылѳдчан кыв эн на шулы,
И сідз окота эскыны тѳд!..
Украиналѳн лѳз енѳж улын
Узьѳ томиник коми поэт.

Пароход катѳ Сотчѳмвыв бокті,
Мамыд вашкѳдѳ: «ѳдйѳджык кат!»
Оз и вунѳдлы: локта пѳ, локта..
Тѳ эн лок.
Тѳ и ѳні салдат.

Кывлан унаысь, шуоны йӧз:
Черной море пӧ мирын медлӧз,
Черной море пӧ быдӧнысь шань,
Ставыс мойдын кодь мича пӧ тан.
Тувсов вой — збыльысь чуймӧдан вой.
Но тан тулысын вӧвлі и бой...
Сэтшӧм бой:
Ойзис му,
Пуис ва —
Тайӧс помнитӧ лӧз небеса.
Тӧдӧ море:
Ой, кымын герой
Мыськис мореас медбӧръя дой.
Муса Рӧдина, мый вӧлі сэн,
Тэ бур сьӧлӧмнад он вунӧд нэм!

Кор Малахов курган вылõ каян,
Ассьыд шапкатõ киад кут:
Том салдатъяс тан коркõ майын
Кувтõдз дорйисны тәнсьыд шуд.

Тәнсьыд шуд, уна нывлысь мичлун,
Рõднõй мулысь быд турун сi...
Налы, налы, код чужан му видзис,
Õзтис Рõдина вечнõй би.

Вечнõй биислы уна сьõлõм
Сетис пõсьлун и содтис вын.
И ме кõсья, мед морõсын вõли
Тайõ бисьыс кõtь õти кинь.

Вөвлі кад.

Вөлі эжамс гуга,
Посныд лестукөдз косясьліс му,
Но вот вуджөма кутшөмкө шудөн
Лыдтөм смертыяс пыр чунь өти пу.

Быдөн сувтлөны тайө пу дорас,
Мед көть коді, көть воөма кысь.
Но, а ме — бойяс аддзывтөм мортыд —
Весиг пөльыштны матын ог лысьт.

Дыр нин сулала, сулала сідзи:
Босьт да окав көть пуыслысь чаль —
Йөзкөд тшөтш Севастополь өд видзис
Отнас ловъяөн кольөм миндадь.

СЪОКЫД НИМА КАРЫН

И. Вавилинлы

Эг дыр ми вӧлӧй Секешфехерварын —
Зэв съокыд нима, но зэв лӧсьыд карын.

Ми сәні сӧмын некымын здук олім,
А сӧлӧмсьыным мыйкӧ сэтчӧ колим.

Од тайӧ карыс асьыс сӧстӧм мичсӧ
Дзик, гашкӧ, сӧмын синтӧмлы оз мыччы.

А синма-пеля гӧгӧрвоас, аддзас,
Мый рай кӧ колӧ — поэбӧ восьтны татчӧ.

А Секешфехерварыс вӧлі адӧн,
Да, вӧлі адӧн кольӧм война кадӧ.

Но кусӧдісны мичлун сотысь бияс
Россияса салдатъяслӧн том кияс.

Сәк мездлун вайис вокъяслӧн му вылӧ
И Комиысь салдат Иван Вавилин.

Ме талун радлун лыддя венгръяс синмысь,
И сӧлӧм вылын кыдзкӧ торъя нимкодъ,

Мый вӧлі мичлун дорйылӧма татӧн
И пармаса поэтлӧн автоматӧн.

ЛОКТИС БАТЬ ДОРАС НЫВ

Вичмис зэв уна батылы да воклы
Узянін — тōдтōм, ылыса му.
Коми ныв лōз Дунай дорō локтис,
Медым аддзывны батыслысь гу.

Вайнс лысваōн мыськавлōм дзоридз,
Дзормōм мамыслысь меліник кыв
Да, мед батыс эз вунōд ас сєрни,
Сылы комиōн сылыштис ныв.

Воснбыд гōлōсōн сыліс, кыз пыжōн
Ныв-зон вуджōны Эжвалысь от
Да кыз сьōд вōрын коркō зэв важōн
Джуджыд керōсын овлōма морт.

Эмōсь Комиын выль сыланкывъяс,
Но и олō на важмывтōм дой.
...Лōз Дунай вакōд ньōжйōник кывтō
Коми нывкалōн сōдз синва войт.

ТӨДСА КЕРКА

Тайё керкаыс лунвывлань бана:
Шонді пырас да рытөдз оз пет.
Югыз жыръяса керка,
А тани
Став бур олысьыс пөчө да дед.

Нель пи быдмисны зумыдось, ёнось,
Вөлі ставныслөн кудриа юр.
Оттшөтш фронт вылө мунисны зонъяс,
А вот локтан туй налы эз сюр.

Ыджыд пиныслөн стенин кык орден,
Медся ичөтлөн гудёкыс чөв.
Тайё керкаас,
Пёрысьяс ордас
Некор ни өти свадьба эз вөв.

ВОЙНАДЫРСЯ ПАРК

Сэк паркъясті гажлун эз ветлы —
Эз бергавны йоктысьяс кырйын,
И вына оркестръяслөн ыргөн
Эз юравлы Сыктив ю весьтын.

И аддзисны вöвлытöмторъяс
Ас кок увсьяс жугыльтчöм кызьяс —
Став парк пасьта дзоридзьяс пыдди
Сэк быдмисны картофель коръяс.

Ми некор эг вунöдлöй мичлун,
Но тöдiм ми, тöдiм и олöм.
И паркъясö сёянла волiм,
А дзоридзьяс сьöлöмын видзим.

НЬӨЖИӨ КУСӨ РЫТЪЯ КЫА

Ньөжйө кусө рытъя кыа,
Раммө гудөкъяслөн шыыс.
Ме эг вунөд, кызди ныв
Съывліс нора съыланкыв:

«Менам юрын кельыд чышъян,
Абу югыд рөма шаль.
Орччөн пукалысьыс мустөм,
Коді абу — сійө жаль».

Гулю-нывъяс, война дырйи
Сьөлөм висьөм ставлы тырмис,
Но эн ставныд йөктөй ті,
Кодыр кусі ыджыд би:
Кодкө воис китөм-коктөм,
Кодкө орденъяса локтіс,
Кодкө...
Но да век көть бөрд,
Оз нин аддзыв чужан вөр.

Думыштан да, муса другөй,
Олөмыс со кутшөм югыд!

А код вөлі медся бур,
Коді пунктис ассъыс юр,
Коді кызь арөсөн уси,
Коді рытиввылын узьө,
Оз и төд,

Мый тшӧтшъя ныв
Сылы нора сыланкыв:

«Менам юрын кельыд чышъян,
Абу югыд рӧма шаль.
Орчӧн пукалысьыс мустӧм,
Коді абу — сійӧ жаль».

ВОЙНА ДЫРЬИ ЧУЖОМ НЫВЪЯС

Тэ мыйла сідз кывзан, мам,
Кор сьылёны сьёлёмсянь
Любов йылысь сьыланкывъяс
Война дырьи чужом нывъяс?

И мөвпавсьö зэв нин дыр,
И казьтивсьö öнөдз пыр,
Мый эз вöвны бательн сывйын
Война дырьи чужом нывъяс.

И зэв ыджыд көсйöм эм,
Мед найö эз тöдны нэм
Ни пужъяс, ни кöдзыд кывъяс,—
Война дырьи чужом нывъяс.

КОКНЫД БОБУВ КОДЬ НЫВ

Муслун ытва кодь овлӧ,
Овлӧ лысва кодь рам.
Сійӧс сьӧлӧмад новлан,
Сійӧ ёсьтывлӧ сям,

Кодлӧн дзоридза шальыс,
Кодлӧн дона быд кыв,
Платтьӧ кыа кодь алӧй,—
Кокныд бобув кодь ныв.

Но война регыд лоис,
Зонмӧс чукӧстис фронт.
Сьӧлӧм косьтысьсӧ колис
Чужан сиктаныс зон.

Чорзис зонмыслӧн кыис —
Быд атакаын дум:
Медым бобулӧс, сійӧс
Война бушков эз ну,

«Менӧ чайт гӧтыр пыдди,
Тӧнӧ виччысьны рад»,—
Шоныд письмӧяс лыддис
Кын окопын салдат.

Зон эз тӧд, дерт, мый вичмис
Нывлы быдсяма удж:
Ыбын, видз вылын личкис,
Личкис сплав вылын мудз.

Муніс зон Эльба дорөдз,
Врагос кытчөдз эз чег.
Выльысь ордена морөс
Нылөс топөдіс сэк.

Кодлөн дзоридза шальыс,
Кодлөн дона быд кыв,
Платтьö кыаысь алöй,—
Кокныйд бобув кодь ныв.

Муслун гөррдзасиг ставыс зэв лөсьыд,
Мыла кажитчө быд сьыланкыв,
Сэки майшасьтөг, кокньыда, пöся
Аслас мусуклы шөпкөдө ныв:
Тэкөд йитчөма лов,
Тэтөг здук ме ог ов,
Тэысь кындзи мем некод оз ков.

Клятва кывъяс моз верөслы шуис,
Воліс татчө кор гымалан кад,
Сьөрсьыс аскөдыс фронт вылө нуис
Дона гөтырлысь лов шы салдат:
Тэкөд йитчөма лов,
Тэтөг здук ме ог ов,
Тэысь кындзи мем некод оз ков.

Гортө уна салдатъяс эз воны,
Кодъяс олөмсө пунктисны сэк.
Налы эскөдан кывъяслөн доныс
Коляс зарниысь донаөн век:
«Тэкөд йитчөма лов,
Тэтөг здук ме ог ов,
Тэысь кындзи мем некод оз ков».

Төдлам аски на гажтөм и долыд —
Шудыс ставнымлөн абу ли эм,
Сөмын ышөдөм ставнымлы колө,

Мед жö пельясын тиньгöны нэм:
Тэкöд йитчöма лов,
Тэтöг здук ме ог ов,
Тэысь кындзи мем некод оз ков.

◆

Онөдз на со менө босьтө шемөс —
Кыдзи бара уджалінныд сэк:
Усыр ортөдз, кытчөдз оз ло пемыд,
Видзьяс вылын, ыбъяс вылын век.

Ичмоньяс да аньяс...
Чорыд кадыс
Тіянлы өд казътивсьө на пыр:
Дерт, салдатъяс мында эз сюр стракыс —
Сьөкыдлуныс сюрис юр вывтыр.

Синва вылө войнаыд эз видзөд,
Эз ков сылы лигышмунөм ки,
А ми сөмын шусьылім мужичөй —
Дас кык арөсаөсь вөлім ми.

Эг личөдөй тіян пельпом вывсьыд
Мужикъяслы лөсялана мог,
Эг на аддзөй пальөдана кывъяс,
Кор казеннөй письмө вайліс шог.

Ичмоньяс да аньяс...
Көсья век ме
Мыджөд пыдди лоны, сетны шуд!
Зільлі сэк, кор пельпом вөлі векни,
Кыз нө өні тіянөс ог кут?

Том йӱзлы романтика век колӱ:
Чӱскыд мудзсӱ медым тӱдлас сой,
Видзьяс вылын вонйын узьны долыд,
Бипур дорын кольны гоҗся вой.

Шензьӱ мам:
Романтика...
Сӱ морӱ,
Мыйся тайӱ гӱгӱрвотӱм кыв?
Сӱӱкыд уджсӱ быттьӱ аслыс корсьӱ
Коркӱ война бӱрын чужӱм ныв.

Мамыс тӱдлӱ йиа-ваа сплавсӱ,
Пӱрӱдывлӱс изйӱдз кымӱм вӱр.
Война тшыныс курдӱдлӱс кор ставсӱ,
Эз тӱд, вӱв ли ачыс кыскис гӱр.

Кача сӱчӱн страдна дырйи сӱйис,
Уджсӱ кӱ он вӱч — оз вевьяв мӱд...
Сӱмын мый романтикаыс лӱӱ —
Пӱрысьмыштӱм нывбаба оз тӱд.

Мед ывла вылын турӧб, мед и кӧдзӱд,
А сиктса челядь исласямӧй кыр йывсянь.
Кор кынмыштам ми,
Сэтчӧ локтас пӧчӧ,
Быд ичӧт мортлысь ниртас еждӧм ныр йывсӧ.

Йӧз челядь вӧсна сьӧлӧм сылӧн висьӧ,
Быд детинкаӧс шонтас мелі киясӧн.
А аслас пиыс?
Пӧчӧ сетіс писӧ
Ас чужан мулы, асланым Россиялы.

Ме вӧлі ичӧт.
Унатор эг казяв.
А ӧні казьтышта — и сьӧлӧм ёнтыштӧ:
Ӧд, гашкӧ, сӧки пӧчӧ кынмис ачыс,
И асьсӧ сійӧс медводз коліс шонтыны.

САЛДАТЪЯС

Кор чукӧртчам кутшӧмкӧ кадӧ,
Кор мужикъяс керкаын тыр,
Став съӧлӧмсянь казътывлам пыр,
Мый коркӧ ми вӧвлӧм салдатъяс.

Дерт, быдӧнлӧн абу на орден
Ни йӧз водзын ошйысян чин,
Но прӧстӧй салдатъяслысь ним
Дзик ставным ми вайимӧ гортӧ.

Салдатъяслӧн удж абу кокни,
А му вылас медсьӧкыд удж,
Но казътывлам ассыным полкъяс,
Кӧн нопъявлӧм нель пӧвста мудз.

Кор чукӧртчам пӧляс и зонъяс,
Ми казътывлам служитан кад.
Од быдӧнлы Рӧдина дона,
А Рӧдина дорйӧ салдат.

Унаои ми быдмим мамтөг-батътөг...
Эз аддзывны найо, кызэи ми
Морос вылын челядьдырся кадө
Новлодлим гөрд галстукъяслысь би.

И оз төдны, кызэи спутник арын
Космос эрдө гижтис первой визь,
И кызэ сэтчө писькөдчис Гагарин —
Пиянныскөд тшөтшья коммунист.

Код эз лок война дырйи рейхстагөдэ,
Миян йылысь унатор оз төд.
Сөмын батьяс эскисны, мый флагыс
Юр весьтаным нэм чөж лоас гөрд.

Олом туйным батьяс визьөд мунө,
Быттьө өти кион гижөм висьт.
Воддза серти өни дас пөв унджык
Му шар вылын чужө коммунист.

КОНЦЕРТ

Ме кывзылі уна концертъяс.
Певецѳс сэн вежліс певец,
Но некод на сідзи эз вермы
Мем сьѳлѳмѳдз мѳрччыны,
Эз,
Кыз колип кодь гѳлѳсѳн сьылысь
Гѳрд галстука ичѳтик ныв...
Ме служиті войвылын, ылын,
Кѳн май помѳдз лымйыс оз сыв.
Ныв сьыліс зениткаяс улын,
Мед помнитіс кынмысь салдат,
Мый регыд нин матысмас тулыс
Да гулюяс лэдзалан кад.
И лѳбзясны, лѳбзясны найѳ
Да тшѳктасны дорйыны мир.
Салдатъяслѳн сѳнъясын таысь
И ѳддзис, и шоналис вир.
Ми полім, мед пушкалѳн кѳртыс
Том чужѳмсѳ нывлысь эз сот,
Мед сьылысьлѳн горшыс эз гѳрддзась,
Мед сьылѳмлѳн помыс эз во.
Ми мырддыны некор ог сетѳй
Том нывкалысь сѳдз сьыланкыв.
...Ме кывзылі уна концертъяс,
А казътывсьѳ галстука ныв.

Тані, кыдзи и Комиын,
Югыз тувсовъя вой,
Сідз жө колипкай нюжйөдлө
Ассыс помасьтөм мойд.

Сөмын зонъяслөн сой вылын
Са кодь съод автомат.
Чусмөм би дорын сьылөны
Куим коми салдат.

Муслун йылысь, том кад йылысь
Кылө важ сьыланкыв.
И быд зонқалөн син водзас
Аслас радейтан ныв.

Коді колис лөз пармаө,
Кодлөн көсаыс съод,
Коді өні, дерт, узьө нин
И дзик нинөм оз төд.

Эськө кыліс кө ун йывсьыс
Важсянь төдса мотив,
Татчөдз сувтлытөг котөртіс
Тэрыб ки-кока ныв.

Медым ас пельөн кывзыны
Сьыланкылыслысь пом,
Медым ас синмөн аддзыны,
Кыдзи радейтө зон.

Тани, кыдзи и Комиын,
Югыд тувсовъя вой,
Сідз жö колипкай нюжйöдлö
Ассъыс помасьтöм мойд.

Сöмын зонъяслөн сой вылын
Са кодъ съöd автомат.
Кусöм би дорын сьылöны
Куим коми салдат.

КЫДЗЪЯС

Тэ кӧ чужин да быдмин Россияын,
Аслад синъясӧн аддзывлӓн, кызди
Статя нывъяс моз быдмӧны миянын
Небыд сямӧда лым еджыд кызъяс.

Юмов вотӧсӧн кыддыд оз чӧсмасьӧд,
Пож кодъ лӧбулын он дзедьсы зӧрмиг...
Но тӓ, кызъясӧй, сӧтшӧм нин лӧсьыдӧсь —
Некыдз тӓнтӧг овны ог вермы!

Ме неважӧн на кык во салдаталӓ,
Новлӓ кыз коръяс рӧма пилотка...
Мича кыз батареясянь матын зӧв
Том невеста кодъ сулалӓ ӧткӧн.

Сӓйӧс ми эгӧ дойдлӧй, эг куснявлӧй,
Муса нылӧс моз лелькуйтӓм-видзим.
Быд салдатлы ӧд дум вылас усьлӧны
Чужан сиктбокса мичаник кызъяс.

Ми, салдатьясыс, чужим Россияын...
Тайӧс нырас мед тшупас быд вӧрӧг,
Еджыд кызъясӧй, турунвиж киясӧй,
Некор тӓнӧс некод оз пӧрӧд.

Армияысь воом мысьт
Пөрччи руд шынельӧс ме,
Коді менӧ шонтыліс
Кӧдзыд кадӧ пыр.
Аслад киӧн ӧшӧдін
Медся югыд пельӧсӧ,
Сэсся мыйкӧ казьтыліг,
Бӧрдін бура дыр.

Мамӧ, тэнад бӧрдӧмыд
Меным гӧгӧрвоана:
Татшӧм жӧ шынель новліс
Менам ыджыд вок,
Кодсянь сӧмын письмӧын
Карточкаяс волісны,
Коді усис фронт вылын,
Гортӧ бӧр эз лок.

Ой, ӧд сьӧкыд пиянтӧ
Морӧс бердсьыд торйӧдны,
Но ме тэнсьыд сьӧлӧмтӧ
Тӧда, муса мам:
Коркӧ звермӧм врагъяс кӧ
Шуда олӧм торкасны,
Менсьым руд шынельӧс тэ
Ачыд пасьтӧдан.

Эз кампета вөв миян челядь дырным,
А ёнджыкасё шома либё курыд.
Но бордьяссим ми.
Комын арёс тыртім...
А ичөт дыртё кыз он казътив бурён?

Ми өні йөзсянь кывлывам ас пельөн,
Мый олём туйёд зумыда пё мунам...
И абу дивё:
Кынмалыштөм пелысь
Век овлывлө и чөскыдджык, и юмов.

Ю дор баддын төвру кышакылө,
Алькөс берег нюлө мелі гы,
Шонді петіг мөдлапөлысь, ылысь
Кылө меным утка герчкөм шы.

Гожся шонді окалө зэв пөся,
Меліалө менсьым чужанін.
Татшөм кадө ёна жө нин лөсьыд
Дзоридз пөвстө водны, куньны син.

Сөстөм енэж век кө татшөм эськө,
Кымөръяслөн кывтөм татшөм надз!..
Менам дона чужан муёй весьтын
Кызь во сайын тшөкмунис война.

Тані лөнь.
Но эмось мукөд зонъяс,
Кодъясөс кось вылө ыстө мам,
Өттшөтш шонді, югыд, мелі шонді
Аддзө биын ыпъялысь Вьетнам.

Гашкө, сәні мекөд тшөтшъя пиөс
Буретш талун дзебө зумыш бать...
Татшөм здукө кылан өмөй сійөс,
Ю дорын кыз кышакылө бадь?

УсьӖ лым.
СэтшӖм кокныда усьӖ,
Чайтан, пуксяс
И кыпӖдчас бӖр.
КызкӖ полігтыр, меліа шебралӖ мусӖ,
Мед не садьмӖдны узьмӖдчысь вӖр.

УзьӖй, узьӖй ті, пожӖмъяс, козъяс...
ГашкӖ, кӖдзыдыс оз ло зӖв ёсь.
СьӖла-таръяслы колӖны тӖв кежлӖ позъяс---
Небыд лым пиын йирмӖг оз босьт.

...Шоныдінын салдаталӖ ёртӖй,
СылӖн син водзын дзоридза Крым,
Но быд письмӖын юасьӖ, юасьӖ мортыд:
Усис эв на пӖ миянын лым?

Эг и төдлы, кыз сьөлөмөй сыліс:
Төдса вөр сайысь петкөдчис ты,
Ичөтдырсяньө мусатор кылі —
Дзоля хромкалысь гажөдан шы.

Вуджлі зэв гырысь посьяса юяс,
А вот тан ичөт ёльяслы рад.
Гортад вайоны медшуда туйяс —
Төдө быдөн, код вөлі салдат.

Лои кырымөй важсяысь чорыд,
Туй выв бус вөсна чужөмөй сьөд,
Кызіс гөлөс да вежсьыштіс сёрни...
Сөмын сьөлөмөй абу тай мөд.

Сійө разьсьытөм гөрөдөн йитчис
Чужан вөр-вакөд нэм кежлө дзик.
Менө, ветлысь салдатөс, пыр виччис
Вөрса ты бокө йөжгыльтчөм сикт.

Тані ставыс мем мусаысь-муса:
Киөн малышті тырсялысь шеп,
Пөся сывъялі өмидза кустъяс
Дай пилоткаөс качөдлі сэк.

Эг и төдлы, кыз сьөлөмөй сыліс,
Төдса вөр сайысь аддзи кор ты,
Кодыр важысянь мусатор кылі —
Дзоля гудөклысь лывкйөдлан шы.

Мед жö, мед ворсас хромкаыс сәні,
Ме кöть асылöдз кывзыны рад.
Сöмын, ёртъяс, эн дивитöй менö —
Дыр эз вöв гортас коми салдат.

БАРА ГОРТЫНОСЬ...

Гортö ми воим неважөн,
Кöрталім службалысь пом.
Пельпомъяс вывсьыным разим,
Пöрччим салдатскöй погон.

Пöрччим да камодö пуктім,
Мед, колök, шойччыштас сэн.
Гашкö, и тырмас на шудным
Сийöс не перйывны нэм.

Ми öд салдатъяс,
Ми тöдам
Асланым пушкалысь вын.
Кодкö кö йöйтавны мöдас,
Лёк уджсьыс юрнас оз мын.

Дыр-ö тэд шойччыны ковмас,
Кык во чöж новлём погон?..
Век кежлö мирнöя овны
Пармаö воис том зон.

ГӨТРАСЬӨ САЛДАТ

Татшөм гажа көлысьлы
Быдөн рад:
Чужан сиктас гөтрасьө
Том салдат.
Сельгө-киссьө гудөклөн
Мыла шы,
Лөсьыд жө нин нывъяслөн
Сыланкыв:
«Ветлін-мунін, аддзылін
Ассьыд пай.
Эн, эн яндысь, мусуктө
Окышт вай!
Кымын төлысь виччысис,
Кымын лун!
Вөлі сизим корасьысь,
Но эз мун.
Торъя мелі кажитчө
Сэтшөм ныв,
Кодлөн овлө чорыдөн
Шуөм кыв.
Эськө ставлөн татшөм кө
Гөтырпу...
Татшөмөс көть ки вылад
Нэм чөж ну!»

ДЗОРИДЗЬЯС

Дзоридзьяс тан лөзалёны бара...
Гортным ылын,
А дзик ставыс ас:
Тан войналён медся съёкыд арын
Важ окопъяс кольёмаось пас.

Висьталан, кыз ставыс сэки вөлі:
Батарейя вылө — квайт снаряд.
Сизимодыс —
Скөрмём, пузьём съөлём,
Кын окопö колис том салдат.

Ыджыд воклы вөлі кызь кык арös,
Аддзылін, кыз орис сылөн нэм.
Дзоридзьяс тан лөзалёны бара...
Бур, мый найос петкөдлін тэ мем.

◆

Казьтывлывлө мем военкомат:
«Миянө пö пырав, лейтенант».
Гортсаяс сэк шызьывласны скöнь —
Гашкö, кöнкö-мыйкö абу лöнь.

Рöдинаным вильшасьны оз кут —
Вичмöдö быд мортлы ашöр шуд.
Ми — запасынöсь...
Но öнiöдз
Чужан муным син увсьыс оз лэдз.

Эмöсь уна мекöд тшöтшъя йöз —
Новлöны шынельяс нэмныс чöж:
Вой кöть лун ракетаяслысь ныр
Кытчö колö веськöдöны пыр.

Здук кежлö оз куньсьыв налөн син,
Здук кежлö и тöждысьöм оз чин.
Аттьö налы! —
Ола гортын, тан
Мирнöя запасса лейтенант.

Баллада

Лөз пармаын, Эжва ю йылын,
Көн шувгöны пожом да ныв,
Ме кывлі гречанкалысь сьылөм —
Эладаысь вайөм мотив.

Дзор войвывсянь зэв ылын эськө
Сьод синкымалөн чужанін:
Сэн гыалө море Эгейскöй
Да кисьмө лимон-апельсин.

А миянын ойзывлө бушков
Да син ни пель нөбөдө лым,
Дай көдзыдыс емодас-сутшкас,
Мый ки-кокыд овлывлө кын.

Эг чайтлы, мый лунвывса дзоридз
Тадз, нэм кежлө, вужъяяс тан,
Мый велалас сёрнитны рочөн
И лывкйөдлыны «Шондібан».

Но миянын сійө эз төдлы
Лөк видзөдлас,
Сутшкасян кыв.
Мед морт эськө мортос эз вөтлы,
А вой төвлысь вөтлөм он кыв.

ЭСТОНІЯ

Міян волігөн вѣлі зэв шондіа
Руѳн-зэръясѳн нималысь му.
Ылын Комісянь куйлѳ Эстонія,—
Вуджим мунігмоз вель уна ю.

Эмѳсь міян кодъ кызьяс да пожѳмьяс,
Усьлас син улад войвывса коз,
Но Эст муын тшѳтш яблоня гожьялѳ,
Быттѳ воѳма гѳститігмоз.

Гашкѳ, лунвылыс да лымья войвылыс
Воча-вочасѳ воѳны тан?
Войвыв кодзув пѳ дзирдсѳ тан койлывлѳ,
Но и чатрасѳ лунвыв каштан.

Тайѳс аддзан и мѳвпыштан-казьтыштан:
Міян Эжва оз матіті кывт,
А вот эст кывйысь кылыштам асьыным
Тѳдса кыв,
Чужан кыв,
Коми кыв.

Кор ми кыламѳй эстьяслысь сьылѳмсѳ,
Быттѳ войпукѳ воськовтлам со:
Сѳні коми кодъ став сьѳлѳм кылѳмыс,
Сѳмын кывъяссѳ он гѳгѳрво.

И мем нимкодъ, мый вѣлі зэв шондіа
Руѳн-зэръясѳн нималысь му.
Лоис матысѳн, асѳн Эстонія,
Чужан пармаѳн кѳтъ и он шу.

КУИМ РӨМА ФЛАГ

Мозынсянь неылын
Паськыд яла яг.
Коми пожом йылын
Сэн болгарскöй флаг.

Флагыс — куим рөма —
Абу мян кодь,
Сьөлөмөс тай сөмын
Ньöти дзик оз дойд.

Йöзлөн флагыс быттьö,
Но и быттьö ас,
Пуктыны кө пыдди
Дружбанымлысь пас.

Важөн ёрта-ёртлы
Мыччим отсөг ки,
Сийөн Мозын дорын
Паныдасим ми.

Налы матыс лоис
Миян яла яг.
Бурөн татчö воис,
Куим рөма флаг.

Тэ, Коми муӧй менам,
Войсь-во
Сё кыла йӧзлы
Лоан шаньджык гортӧн,
И морӧс вылад
Дзирдыштис нин со
«Йӧз костын дружба» —
Коймӧд югыд орден.

Выль орденыслӧн
Чусмывлытӧм дзирд
Мед югзвӧдас да шонтас
Тшӧтш и найӧс,
Кызд Домна Каликова,
Коді кисьтис вир,
Кор Сӧвет властьлысь ытва
Татчӧ вайис.

Мед аддзас югӧръяссӧ
Комиысь салдат,
Код, кызд Оплеснин,
Узьӧ Волхов дінын,
Шуктомов этшӧн
Дорйис Сталинград
Да Размысловкӧд
Мездіс Украина.

И онъя йӧзлӧн
Сьӧлӧм би оз чин:
Выль подвигъяслань
Восьлавны выль мортлы,
Збыль ловзьӧдны
Вой море дӧн,
Лӧз парма шӧрӧ
Писькӧдны выль ордым.

Тэ, Коми муӧй,
Сыысь муса мем,
Мый роч и коми
Откодъӧсь тэ ордын.
Мед Войвыв кодзув моза
Югзяс нэм
«Йӧз костын дружба» —
Миян дона орден!

— Бара туйо...—

Ышловзёмөн шуас

Гөтырыс:— Но мыйсяма тэ морт?

...Регыд нин Вуктылысь найёс нуас

Тундраланьё тэрыб вертолёт.

Вөвліны зэв перыдось да томось.

Кажитчывліс дзескыд гортса поз.

Чужан мутё сэки помсянь помөдз

Лэбны көсьян, бордьясыд кор чож.

Комсомольскын вөлі налөн свадьба,

А Уралын чужис ыджыд пи,

Сэсса ичөт нывканыслысь садьмөм

Кыйөдывліс Братскөй ГЭС-лөн би.

Юр сюянін вөчлісны ас кинас

Быдлаын.

Эз нэм колявны, эз:

Пасьявны кө налысь оланінъяс —

Артмас уна гөрөдьяса гез.

Быдмисны и велөдчисны торйөн

Бать-мамсьыныс челядь.

Сэн да тан:

Вөр шөр вөрын, бурөвөйяс дорын,

Школаясыд абу.

Бөрдліс мам.

Оні оз нин.

Верстяммисны пиян —

Пёрысь мамлы внукъяс вёсна шог:

— Пёль да пёчө өні нимным миян,

Дыр-ө он веж ассыд оланног?

— Медбөръяысь, медбөръяысь, пёчө...

Тундраысь вот сёмын аддзам газ,

Лунвылө сэк керка тшупам-вёчам,

Яблоня сад йөр лоас ас.

— Тэ Вуктылө локтіг тадз жө шуин,—

Ышловзьыштас гётыр:

— Но и морт!..

...Регыд нин Вуктылысь найёс нуас

Тундраланьö тэрыб вертолёт.

Чайтан, югöрсö судзöдан киён —
Озъян бипурыс дзик вөрвыв тыр!
Войся кыалён аддзывтём биён
Миян петкөдчис төвся Вуктыл.

Шуйга ки вылын — ланьтём Печора,
Веськыд ки вылын — еджыд Урал.
Эз быд во татчөс вөрьясса ордым
Весиг кыйсьысьлөн кыёсыс таль.

Тöрыт муыс кыз лым улын узис,
Кыздэ тай гу пытшкө шебрасьём ош.
Талун пармаыс төдлытөг пузис —
Тадзтö унзильыд кызди оз вош?

Нәмъяс му пытшкын пузласис море —
Вöлі топыдөн муыслөн тас.
Нимыс морелён дженьыд да гора:
Газ!

Шедис кабырас талунья мортлы
Ышмём морелён вынйөр да грöz:
Сийöс мездисны му пытшкысь ортсö
Газсьыс ярджык на сьөлёма йöз.

Петö му пытшкысь, гыёмөн гыö,
Уна во сьлөн выныс оз чин.
Газопроводлөн нимыс — «Вой кыа» —
Шуда войтырөн думыштём ним.

Кельыд төлысь, кизьөр югөр,
Эшкынасьём вөр...
Муртса волас лунся югыд,
Саймовтчас нин бөр.

Но оз вөтчаны сы бөрся
Вөр лэдзисьяс, оз:
Рөмыд сынөд потлө-вөрзьө
Лымийö усьö коз.

Өзтө трактор югыд синьяс,
Муралö дзонь вой:
Йирмөг лы-сьөмас оз инмы
И оз мудзлы войт.

Сылөн, тракторыслөн, сьөлөм
Зиль жö, мортлөн кодь:
Кыкөн нюжтöны ю пөлөн
Керьяс тыра додь.

Юр весьтаныс помтөм енэж,
Кодзувьяс сэн тыр.
Йөзлөн зильлун вылө шензьөм
Найöс босьтлө пыр.

Кодзув пөвстысь кодкө чеччас,
Вундас енэж йир,

Уджач мортлань усяс-лэччас
Сылөн югыд дзирд.

Трактористлөн Зарни кодзув
Морös вылас эм:
Бур уджсьыд öд бур и водзöс —
Шензынысö нем.

*СССР-са народъяслӧн Спар-
такиадаса чемпионъяс Раиса
Сметаниналы да Василий Ро-
чевлы*

Изъваын эг овлы,
Ва эг юлы тась,
Но эм ёрт уловын
Уна изъватас.

Налысь пукта пыдди
Писькӧслун и сям:
Артмыштас мый быттӧ,
Тшӧтш нимкодясям.

Нимкодъ тiян вӧсна,
Изъва ныв да зон:
Некодъсь он кӧсийӧ
Кольчынысӧ, он.

Гортсянь ылын, йӧзын,
Петкӧдлинныд тi,
Кутшӧм яра ӧзийӧ
Сьӧлӧманыд би.

Кутшӧм коми мортлӧн
Кужӧмлун да этш:
Ассьыс ёнмӧм бордсӧ
Лигыша оз лэдз.

Нимӧдінныд ылӧдз
Изъя Изьва ю.
Нимкодясьӧ-кылӧ
Ставнас Коми му.

Вермӧмныдтӧ пасьям,
Сетам тыр-бур дон:
Атьӧ, изьватасьяс,
Тэрыб ныв да зон!

Тэнад стихлысь
Тупкылісны вомсö,
Тэнад стихлысь
Кöртавлісны ки,
Сы вöсна, мый сійö
Вöлі коми,
Гөгөрволіс сійö
Парма пи,
Сы вöсна, мый Муза
Эз вöv вуза!
Сійö ветліс гусьöн,
Кималасöн
Бур йöз ордын,
Коді кöдзö нянь.
Кывбурьястö
Вөр-ва кодь жö асöн
Лыддис Сыктыв вожса
Коми ань,
Сы вöсна, мый Муза
Эз вöv вуза!
Тэнад Муза
Озыркöд эз киась,
Кузь юрсиа попьяскöд
Эз мун,
Лёк ханжаяс тойласьöмла
Сійö
Эновтліс тшöтш тэкöд
Чужан му,
Сы вöсна, мый Муза
Эз вöv вуза!

Но, кыз тэ и шулін,
Петіс шонді,
Тэнад кывбур
Аддзис чужан горт.
Тэнсьыд би пось кывъяс
Төдны пондіс
Коми морт,
Сөветскöй морт!

*Коми кыв велöдысь да радейтысь,
венгерскöй профессор Давид Фокош-Фукслы*

Эв важöн тэ Комиö волін,
Со колис нин сэксянь нэм джын,
Но паметяд серпас век олö,
Кыз Войвылын чöлалö лым.

Эз öтчыдысь мурзывны лёкысь
Европаын гым бöрся гым,
Но тэ öд эн вунöдлы, Фокош,
Кыз Войвылын чöлаліс лым.

А тэ öд пыр сьölöмад видзин
И Эжваса сёрнилысь шы,
И пармалысь ошйысьтöм мичсö,
И Войвылын чöлалысь лым.

Тэ шойччыны талун он эшты —
Том зонлön кодь сьölöмыд пым.
И казьтылан век Будапештын,
Кыз Войвылын чöлаліс лым.

Лөз парма шöрын,
 Ичöтик да рам
 Сё тыяс костын
 Куйлö ляпкыд тытор.
 Сэн дзибрöс пыжын
 Менö чужтис мам,
 Кыдз висьтавлöны,
 Шоныд гожся рытö.
 Зэв нимкодь бательы:
 Ачыс — сынисады,
 Крестьянскöй пиыд —
 Овмöс шöрö мыджöд.
 И ас кежас, дерт,
 Чайтис менам бать,
 Мый, кыз и чужи,
 Нэмöс коля пыжын,
 Мый вöдитны ме
 Кута му да видз
 Да паськöдны
 Быд гожöм дедлысь керас...
 И бательöн мөвпыс
 Лэбö-лэбö сідз:
 Со ме нин керка тшупны
 Лэчта черöс...
 Но меным олöм
 Мыччис мөдджык чер,
 Мем сійöн лоö
 Тшупсьыны вель уна.
 Оз кокныыда мем
 Воссьы паськыд эрд:

Ме гижысь мортлөн
Ордым кузя муна.
А ордым сійӧс
Писькӧднысӧ мем,
Кызд ёртъясӧйлы,
Тшӧкыд рас пыр лоӧ.
Мед вынным судзсис,
Велӧдчамӧй нэм:
И институт,
И сы бӧрын на вояс.
Мыйсюрӧ меным
Воссьыштӧ кодь нин
И коланаӧн чайта
Ассьым уджӧс,
Но кодыр чужан сиктлань
Чӧвтла син,
Ме казявла,
Мый унатор ог куж ӧд.
Ме сиктса зон,
И сиктын менам вуж,
И овлӧ жаль,
Мый ог пет гӧрны-кӧдзны,
И овлӧ жаль,
Мый батьӧй моз ог куж
Ни вӧравны,
Ни мича туис вӧчны.

Кор быдмам да сѡвмам да ёнмам,
Ми эновтам ассъыным горт.
И миянѡс чужан сикт помѡдз
Сэк колльѡдас чышьяна морт.

Мамъяс, мамъяс,
Кѡть кутшѡм ми ылѡ ог мунѡй,
Ті кѡ ловьяѡсь,
Миянѡс виччысьысь эм.
Мамъяс, мамъяс,
Ми локтам, мед аттьѡ кыв шуны,
Локтам, мамъяс,
Мед кокньѡдны тиянлысь нэм.

Кѡть нуам ми служба салдатлысь,
Кѡть космосѡ кыпѡдчам ми,
Ог вунѡдлѡй сиктбокса садьяс
Да мамьяслысь тѡждысьысь ки.
Век кѡсьям ми, ветлѡдлысь зоньяс,
Мед мамьяслы шогыс эз шед,
Да частѡджыка почтальоньяс
Бур письмѡяс вайласны мед.

Мамъяс, мамъяс,
Кѡть кутшѡм ми ылѡ ог мунѡй,
Ті кѡ ловьяѡсь,
Миянѡс виччысьысь эм.
Мамъяс, мамъяс,
Ми локтам, мед аттьѡ кыв шуны,
Локтам, мамъяс,
Мед кокньѡдны тиянлысь нэм.

Пөрысь мамлөн уджын чорзьём кияс
Талун мыйкө печкыштöны надз...
Инженерөн лоис ыджыд пиыс,
Ичөт пиыс — ас сиктаныс врач.

Пөчөс шуда аньөн колө чайтны:
Пияныслы сетіс мывкыд-сям.
Ыдждөдлыны, либө величайтны
Кыкнан писө поэбө.
Төдө мам.

Төдө, мый оз весьшөр олөм овны,
Пыдди пунктө налысь сьökыд шуд.
Төдө, наысь яндысьны оз ковмы,
Сөмын найөс ошкыны оз кут.

Чирыштас и видас, мыйысь колө,
Сөмын оз жө лёкысь бытьё, дерт.
Сэтшөм здукө мам водзас чөв олө
Сиктса врач.
И тошка инженер.

Веськөдас, и пальөдас, и кывзас...
(Сэтшөм жө и миян чужан му).
...Элясьны оз ков, мый ошкан кывьяс
Быд лун мамным миянлы оз шу.

— Мамой, ставыс ворсö тэнад кийн...
Пöрысьлань кöть котравнытö ланьт.

— Метö мый нин...

Кöсья öнi, пиук,

Тэ мед вöлин писькös, уджач, шань.

— Мамой, ме тэд вайи мича платтö,
Вайи шоныд шаль.

Эн юась дон...

— Гöстинечсьыд, пиук, эськö аттö,

Но öд аслад семьяд вит вом.

— Мамой, ветлам шойчыны вай Крымö,
Мед кöть öтчыд шонтысьыштан сэн.

— Чурки-буди, пиук, ог на кынмы,

Юр сюянiн, шонтысянiн эм.

Кокныйд лун оз корсьлы, нэмсö пессö:

Йöзлань — лышкыд,

Ас пондаыс рам...

Муслунöн да тöждлунöнджык медся

Озыр овлö миян муса мам.

Сэк кымөръяс шывгисны шога
И гажтöма дзуртис вой пу...
Мам горт вылö вит чоя-вока
Ми содз тырйöн шыбитим му.

И сьöкыд зэв мыжаöс корсьны,
Мый энóвтис мянöс мам:
Эз этшалöн олöмыс торксьы,
Эз этшаöс торйöд
Война...

Война...
Сийö ылö нин колис,
А быттöкö öни на эм
И пины, код мамтöгыс олö,
И нывлы, код батытöгыс нэм.

Но эмöсь на паныдöн налы
Лёк кöинъяс.
Узьны оз позь:
Öд кöсийöны Мирсянь Войналань
Пеж киясöн нюжöдны пос.

И медем жö уна сё вояс
Оз сюр налы кёртыс, ни пу.
Мед Мир да Война костын лоас
И мамöлөн вунлытöм гу.

◆

Мамлөн сөстөм паметьлы

Тайё кыз пуыс вөлі мем быдёнись муса.
Төрыт вөлі...

А талун оз чеччы, оз сувт.
Йөймөм чер улө шедөма, ньөжйөник кусө,
Но век надейтчө, надейтчө, гашкө, оз кув.

Аслас ичөтик кызьяслы сөвмыны тшөктө,
Кельдөм корьяснас окалө челядьлысь бан...
Кувны томөн да бурөн дзик быдөнлы сьөкыд,
Сөмын торья нин сьөкыд, кор кулысьыс — мам.

БАТЬКӨД СЕРНИ

Сиктө воа, юасьлывлө бать,
Мый нин вөчи бөрья вояс чөжыс?
Мыйся уджөй?
Эм-ө сәні лад?
Мыйысь пыдди пуктыштө бур йөзыс?

Аслас сьөлөм серти воча кыв
Көсий кывны.
Висьтала, кыз сямма:
«Велөда ме чужан коми кыв,
Велөда да лелькуйта, кыз мамос».

Сө во мысьт Куратов бөрын ми
Талун парма войтырыслы сьылам.
Кольөм кадыс коми кыв эз ви.
И со коми мамлөн гижысь пи
Нимкодяся мыла
Чужан кылөн...

КОДИ ЧЕЛЯДЬОН ОЗЫР...

Көть и выль ног нин оліс,
Важ моз шмонитліс пöль:
«Коді челядьон озыр,
Сійö эмбурöн гöль».

Дедö помнитіс, тöдіс:
Вердны дас сайö вом —
Колö удж вылö сьöлөм,
Да-й мед пельпомыд ён.

Сэсса асланым батьсянь
Кывлім унаысь ми,
Мый пö челядьтöм керка —
Сійö чуньястөм ки.

Пöльлөн туй визыьсь батьным
Эз жö бокланьö мун:
Сылөн киясас вöлі
Сідз жö тырмымөн чунь.

Ыджыд томанөн некор
Ми эг игнавлöй горт:
Челядь кындзиыс миян
Эз вöv гусялантор.

Эг көть чöскыда сөйöй,
Тöдлім шуда лун-вой,

Мамкӧд ӧтвыв кор сьывлім,
Батьлысь кывзылім мойд.

Муса бать-мамлӧн эськӧ
Водзджык дзормис тай юр...
Коді челядьӧн озыр,
Сійӧ сьӧлӧмнас бур.

Малыштлывлін юрөд
Ассыд ыджыд питө.
Помнита ме, батьö,
Тәнсыд гаддьöсь китö.

Эн öд прöста мусö
Киськавлывлы пöсьөн,
Кодыр Мозын бокин
Ниа шпальяс лöсін.

Кырым серти-д тöдчö —
Олөм вöлі сьöкыд.
Кутчысьлісны киад
Пожөм сир и дьöгöдь.

Здоровайтчөм водзын
(Сэтшөм нин привычка),
Он кө чышкы китö —
Йöзлы он и мыччы.

Абу öд пеж кийд —
Яндысьны тэд нинөм:
Мисьтөмтор эн вöчлы
Аслад гаддьöсь кинад.

Ог на во ме, но локтём кывсяс,
Батьё ломтас нин өдъя пывсян.

Ломтас-лөдсалас кызкө торъя,--
Весиг донавлас изъя горйыс.

Сэсся корёсьяс босьтам сукөд,
Лэччам пывсьыны сөмын кыкөн.

Сэни төдмалас менсьым авйёс
Сэни юасяс менсьым ставсө.

Пөжас-небзьөдас кык виль корёсь,
Сэсся орссьыны менё корас.

Лыөдз-вемөдзыд жарыс пырас,
Туйвыв мудз тувсов лым моз бырас.

Пывсьём бөрас нин гөгөрвоа,
Мый ме бара на гортө вои.

ЕВКӨДЖСА ПӨЧӨЛЫ

Ме комын во тэнö эг аддзыв,
А тэ менö лелькуйтлйн сэк,
И гөгөрво, збыльысь мем яндзим,
Мый тэнö эг сывъявлы, эг.

Ой, пөчөй тэ, пöрысьмөм пөчөй,
Тэ висьталан меным дзонь час,
Мый нинөм оз сетны тэд вөчны,
Мый тыртан тэ өкмысөд дас.

А видз — сийөс ытшкыны колö,
А сю — сийөс вундыны колö
И челядьөс пывсьөдны колö.
А горт олысь өтнад тэ дзик,
И мый тэнад олөмыд — олөм,
Оз гөгөрво ичөтик сикт.

Оз ков, дона пөчөй менам,
Оз ков накөд кыпөдны вен —
Өд шондыс му весьтын эм на,
И тэ, менам пөчөй, эм!

*Буткан сиктса учительница
М. И. Гнездиловалы.*

Гашкӧ, нимлунысь ёнджыка виччысим,
Выль букварнымӧс видлім сё пӧв...
Кор ми медводдзысь школаӧ мыччысим,
Тэныд коскӧдзыд некод эз вӧв.

Кыкӧн-кыкӧн тэ пуксьӧдін ставнымӧс,
Мелі чужӧмтӧ югзьӧдіс нюм.
Тодам, дона Мария Ивановна,
Миян талуӧдз нинӧм эз вун.

Сьӧкыд кадӧ ми шыпасъяс велӧдім:
Чужан му весьтын грымгис война.
Урок бӧрын ми ыб вылын келавлім,
Шептӧн-шептӧн сась чукӧртлім нянь.

Ылын вӧліны ён киа батьясным...
Весиг первой класс эз овлы весь:
Школа ломтыны ичӧтик дадьясӧн
Оти чуркаӧн кыскавлім пес.

Тэно некор эг аддзывлӧй жугыльӧн,
Кӧть эн нӧкъялӧм булкияс сёй,
Кор тетрадьсьыным чукульяс-мукульяс
Мудзтӧг видлавлім вой бӧрся вой.

Сьёкыд кад вöлі велöдчöм панигөн,
Но ми школаö волім быд лун.
Ачыд тöдан, Мария Ивановна,
Көнкö талунöдз нинöм ээ вун.

Гыма зэръясыс важөн нин кобисны,
Пеж войнаыслөн пакталіс би.
Вöвлöм челядыд öні дипломаöсь —
Институтъяс нин помалім ми.

Тэнад туй кузя öтияс мунöны:
Посни челядылы сетöны сям,
Мöдъяс из шома поездъяс нуöны,
Коймöд быдтö да лелькуйтö нянь.

Нельöд чужан му дорйыны лöсьöдчö,
Мед оз грымгы войналөн лёк гым —
Перö-ручкаөн ставным ог вöдитчöй,
Сöмын ставнымлөн сьöлöмным пым.

Тöдан миянöс нимнымöс юавтöг,
Кöть и верстяммис коркöя зон:
Тэкöд орччöныд öні ми сувтам кö,
Киняулöдзным лоан ли он?

Тэнад выныд дзик мöдторйын вöлöма...
Кымын мортлы тэ сетін ён борд.
Ыдждыд тöждлуннад, небыдик сьöлöмнад,
Мам да батъ бöрын медмуса морт?!
!

СИРЕНЕВОЙ МАЙКАА ЗОН

Ме унаысь аддзылі сійӧс:
И мича, и статя, и ён,
И сім гӧрдӧдз гождьялӧм киа
Сиреневӧй майкаа зон.

Оз нима в республика пасьта,
Кӧть сиктаным, дерт, чемпион.
Но, думайта, унатор босьтас
Сиреневӧй майкаа зон.

Ті, колӧкӧ, видзӧдлӧй уджын
Спортивной успехьяслысь дон:
И зорӧдьяс чӧвтіг оз мудзлы
Сиреневӧй майкаа зон.

Спортменӧс слаб мортлы не вежны.
И коркӧ тэ вунӧдан он,
Кыз нывкаӧс вӧйӧмысь мездіс
Сиреневӧй майкаа зон?

Да-й нывьяслы муса зэв сійӧ:
И мича, и статя, и ён,
И сім гӧрдӧдз гождьялӧм киа
Сиреневӧй майкаа зон.

Пожом сир дукон овтысь керкаад
Талун медводзысь ломтысьо пач,
Готырпуыдкөд йоктан-бергалан,
Бытьо коддыштөмыд нин нач.

Кором гостьясыс эз на воавны —
Позьо-й дурыштны виччысигмоз.
Свадьба лун кежлад керка помавны
Зилис-тэрмасис быдса колхоз.

Они озырөсь тэнад другьясыд,
Трактористос көть кодос босьт:
Аддзан вайоны козин-тубрасьяс —
Керка одзос көть кокнад восьт.

Ме тшөтш вайи жө ёрта бурсиом —
Стихон пасйыштөм шоныд кыв:
«Медым шогысь оз дзормы юрсиыд,
Пож тыр мед лоас пи да ныв.

Нэм чөж мед лоас шуд да надея,
Пызан чегмон мед лоас нянь
Да выль керкаад пыртөм радио
Медым некор оз шу:

«Война!»

Ена кө пө зільны пондан,
 Уджтөм лун оз сюр.
 Шонтө пө и рытъя шонді,
 Поводдя кө бур.

Лэччас куртанінө пөчө,
 Пелька вөрө ки.
 Турун юрьяс сідзи вөчө —
 Завидьтам тшөтш ми.

Мед көть абу важ кодь выныс,
 Весь олөм оз корсь:
 «Джын дорө пө содтан джын да —
 Лоас быдса морт.

Меным деньгаторйид локтө,
 Олөм абу руд.
 Сөмын пенсияйд гортын
 Ме кодьтө оз кут.

Ог на, ог на керка стенөн
 Дзескөд ассьым нэм:
 Пөрысьлун кындзиыс менам
 Сьөлөм ещө эм».

ШОЙЧЧӨМ ЙЫЛЫСЬ

Кор ме сиктса уджач йӱзсӧ аддза,
Отпускӱйлы овывла не рад:
Гожъявны да купайтчыны яндзим,
Гожӱмыд ӱд сиктын — страдна кад.

Верстьӱ мортӱс эськӱ он нин тӱдлы,
Сиктад весиг пӱрысь морт оз педз:
Асья кыа удж вылӱ сӱк вӱтлӱ,
Рытъя кыа гортӱ оз на лӱдз.

Зӱра лунӱ шойччӱм пыдди — вӱрӱ:
Колӱ на ӱд кералыштны пес.
Куйлыссяс пӱ ки кресталӱм бӱрын...
Ловъя морт нӱ кыдзи олан весь?

Сиктсалы не сӱмын страдна уджыс —
Тӱв и тулыс тырмӱ тӱжд да мог:
Комияс, ми уджавнытӱ кужам,
Сӱмын, гашкӱ, шойччынысӱ ог.

Шонди...

Кодыр садьмас асья шонди,
Кыз нӧ сылы морӧстӧ он восьт?
Некыз сыысь лышкыдӧн не лоны,
Югыджыка дзирдавны оз позь.

Бӧрдясьяслысь синванысӧ косьтас,
Кынмысьяслысь шонтас оланін.
Шонди югӧр меліника восьтас
Мусукӧйлысь енэж рӧма син.

Му вылӧ и зэр, и слӧтыд усьлӧ —
Кымӧр йылысь вунӧдны оз позь.
Но ӧд шонди здук кежлӧ оз куслы,
Тӧждысьӧ век миян мамъяс моз.

Сикт бокин красуйтчө ниа —
 Медвылө лэптөма юр.
 Ас синнас аддзывліс сійө
 Нэм чөжнас омоль и бур.

Төдліс, кыз ур кыйны арын
 Восьлалө пищаля зон.
 Төдліс, кыз гаръясысь тарөс
 Азыма увтывлө пон.

Аддзывліс шонді лунъяс,
 Аддзывліс зэр сора лым.
 Юр весьтти не өтчид мунліс
 Чардбиөн сьөласьысь гым.

Нюмъялысь шонді кө авъя,
 Мустөм зэв бушковлөн грөз.
 Да-й абу өткодьөсь ставныс
 Парматі ветлөдлысь йөз.

Өти морт ветлө да сьылө,
 Тшөктө кыз мывкыд да сям.
 Пармаыс быттьөкө сылы
 Чужөмсянь радейтан мам.

Мөдлөн — көть курччалас улыөн —
 Синмыс, кыз сутшкасысь ем.

Төдсабсь найö дзор пулы —
Некымын сэтшöмыс эм.

Төдö, мый войтырыс миян
Унджыкыс сьöлöмнас бур.
Сийөн и радуйтчö ниа,
Катлöдлö чатöртöм юр.

ЖОНЬ

Кумач морёса жонь, ичот жонь,
Кодзыд дырйиыс кызди тэ овлан?
Ог нин юась ме, кынмывлан он?
Тэ өд миян моз пасьяс он новлы.

Төв көть гождом, көть тулыс, көть ар,
Гумла дорьясын бергалан-гартчан.
И көть кодзыд, көть шонид, көть жар —
Аскөд орччөн ме пыр тэнө аддза.

Муса жонь, тэ эн быдөнлы доль,
Сьокыд вуджны пө турөба кадтө.
А мый Войвывтө ассыйд он коль,
Тэныд аттьө сэсь,
зэв ыджыд аттьө!

РЫТЪЯ СЁРНИ

Пуяс костод читкырасысь шонді
Шыбитіс ю вомон зарни вонь.
Ю сайын машина ытшкө сенті,
Сэсса матігөгөр ставыс лонь.

Зорөд бокө ланьтөдчөма куран,
Лысва улын вөвдөм шы ни төв.
Но өд ытшкысь-куртысь йөзлөн юрын
Абу сөмын турун йылысь мөвп.

Тшынасьоны калляна мужикъяс —
Бипур дорын рытъя сёрни кузь.
Оти шуө: «Висьтав, другө, сідзкө,
Мыйла бордтөм спутникыс оз усь?»

Налысь сьөлөм вөрзьөдө дзик ставыс,
Быдтор көсийө кывны налөн пель:
Лоасны-ө коми космонавтъяс?
Мый нин вөчө Кубаын Фидель?

Төрыт найө мудзисны зэв ёна,
А вот рытъя сёрни век жө кузь...
Вөръяс сайысь лэптысьö нин шонді,
Бытьö зарни бордъя ыджыд юсь.

Енэж өшөдчис сьодасьом шалльон,
Дзебис шондысь мичлунсө мулысь.
Летом вурун кодь кымөрьяс талун
Бара шуныгоны ули, зев ули.

Арын чос туйти вотчасны зерьяс,
Кыдзи мам борся кывзысьтом кага,
А ме дозмыны некыз ог вермы,
Коть и тогда, мый кокниджык натог.

Киссьо синва быд лыскысь да роскысь,
Быттьо мам усьом пи восна бордо.
Но од лаз улад пельпомыд кос ко,
Позьо тождысьтог осьлавны ворти.

Саысь сукджыкөн лоас кор пемыд,
Сомын сэк чос туй вылысь ме чежа:
Сэтшом коз увьяс пармаын эмось —
И дворец выло жаль найос вежны.

Абу сьёкыд дойдыштны
Сьылысь лэбачёс:
Ичөтыдлөн ичөт и
Выныс-эбёсыс.

Шоныд каднад колипкай
Дзользяс-сьылыштас,
А вот арнад миянысь
Бытьё сылыштас.

Колиплөн өд сьылёмас
Выныс-мичлуныс.
Вот и лэбзьё лунвылө
Гөлөс видзнысө.

Сөмын кальсы бытьёкө
Оз куж бөрйысьны:
Төвбыд сьылө-жбыръялө
Миян вөръясын.

Көдзыдыс кор трачкөдчө
Пөрысь козъясын,
Кальсыпиян быдмөны
Ичөт позъясын.

Налөн бать-мам радлөны
Да и сьылөны.

Тайӧ шуда тельгӧмсӧ
Йӧзыс кылӧны.

Мича абу сьылӧмыс —
Оз тай вензыны:
Весиг чорыд сьӧлӧмъяс
Сэки небзьӧны.

Гажа кадын, тулысын
Сьывсьӧ быдӧнлы,
А вот тӧв шӧр тӧвнад тай
Сӧмын лыдалы.

ЗАРАВА

Сера бeдь вылө мыджсьөмөн дeдө
Тувсов сикт кузя вoсьлaлiс чөв.
Сийö тaлунөдз гортсьыс эз петав
Кольöм гожөмсянь быдса кузь төв.

Дeдлысь синъяссö шондiыс куньö.
Ой тэ, тулысöй, жаль колянтор!..
Көть нин чибльöг тыр зарава юны
Кыддза расланьö мөдөдчис морт.

Сөстөм зарава пармаса мортлы
Век на содтывлiс эбөс да вын,
Дeдö чожджыка вoсьлaлiс гортлань:
«Менам сьөлөмöй абу на кын.

Мөдар югыдö дыр на оз бoсьтны,
Менö регыдөн висьöм оз ви!..
...Сөмын сэки, кор зарава косьмис,
Дeдöс кольөдiм-гуалiм ми.

КЫЙСЫСЬ ДА ПОН

Кажитчис, мый кыссис помтөг,—
Сэтшөм вөлі ёсь
Кыйсысьлөн да сылөн понлөн
Ыджыд ошкөд кось.

Лыйны мөдысьсө эз удит —
Ош улын нин морт.
Ошлөн чорыд овлө судыс —
Вольпась либө горт.

Сөмын тунавнысө водз на
Ассьыд курыд пом,
Вөрын ветлөдлө кө орччөн
Төлка кыйсян пон.

Повтөг шоша вылас сөліс,
Летіс мышсө дыр —
Понйыс вылө ошлөн вөлі
Лөгыс чукйөн тыр.

Ошкыс вежыньтчыліс лёкысь,
Мездіс ассьыс мыш,
Понлы веськалісны бокас
Уна лэчыд гыж.

Морт сэк сувтіс муртса-муртса,
Кыйөдіс жө здук,

Сэсса зверлы суйис пуртсö
Сьöлөм шöрас тшук.

Сэн жö матын сырмис-сырмис
Вирөн ойдөм пон,
Быттьö сынöдыс эз тырмы —
Паськөдлывліс вом.

Көть и мортлөн ставыс ёнтіс,
Муртса садь эз быр —
Понсö морөс бердас шонтіс
Керкаөдзыс пыр.

Небыд вольпась понлы корсис,
Мыччис сьöла шыд,
И эз вешйыв понйыс дорысь
Кыйсьысь рытивбыд.

Мортыдлөн öд кыйсян доныс
Сытöг лоас джын...
Эз, эз эскы,
Көть нин понйыс
Важөн вöлі кын.

Сэсса ымөстіс да бөрддзис
Понйыс весьтын морт:
Нэмнас тадзсö бөрдліс öтчыд —
Гöтыр куліс кор...

*Вөвлөм колхозница, а өнi
пенсионерка М. Г. Желевалы*

Гашкө, кывъясой абу зэв посьсөсь,
Гашкө, ог на куж висътавны сідз,
Медым мекөд тшөтш аддзисны йөзыс
Тэнад гадьөссөм кияслысь мич.

Посныд чукурөн визьйөдлөм кияс
Сотліс шонді и кынтавліс төв.
...Тэнад чужөмсянь Мозынысь йиыс
Со нин кылаліс сизимдас пөв.

Тэнө шуоны сиктын Гриш Малань,
Тэнө төдам, кыз ассыным чунь,
Төдам, кор ветлан песла и вала,
И кор воывлө гажтөмджык лун.

А өд олөмад абу век тулыс.
Овлө-й зэр — синва моль бөрся моль.
Пеж война тэнсьыд верөстө нуис
Да и томиник питө эз коль.

Сьөкыд гожөм, война кадся гожөм!..
Пөттөдз куртан, а пөттөдз он сөй.
Кутшөм мераөн муртавны позьө,
Мый эн лигышмун сьөкыдлун водзын,
Мый эз дрөгнитлы нывбаба сой?!

Ме эг книгаысь тӧдмав ид-рудзӧг,
Аслам киясӧн видлі быд удж:
Тӧда, зорӧдъяс чӧвтиг кызд мудзан,
Ытшкиг покосыд дженьыд-ӧ, кузь.

Кӧть поводдяыс шондіа кутшӧм,
Турун чукӧртны вынным оз судз:
Зорӧд пиньяс со джынйыс на кушӧсь —
Паськыд ыб вылын еджӧ нин сю.

Бара тӧрмасьны, тӧрмасьны колӧ...
Бур мый ас вылӧ надея эм.
Но и удж вылын сӧтшӧм здук овлӧ,
Быттьӧ сьӧлӧмтӧ бытшкыштас ем.

Усяс син улад пӧлян ли, гум ли,
Кисьмӧм льӧмлӧн ли сӧтӧрлӧн роз,
Пуктан шаль пыткад гортӧдзыд нуны
Йӧзлӧн челядьлы асладлы моз.

Быттьӧ тӧ найӧс чужтин да быдтин,
Быттьӧ шуд налы тӧтӧг оз ло:
— Сӧйӧй, донаяс, чӧсмасьӧй быдӧн,
Мамныд, кӧнкӧ ӧд, эз на жӧ во.

Челядь гартчӧны номйысь на уна:
— Малань тьӧт,
Меным вай, Малань тьӧт...—
Мукӧд дырйи и аттьӧ оз шуны,
Кӧмтӧм кокъяслӧн ыджыд-ӧ тӧлк!

Бӧвлі сьӧкыд, но лёклань эз вежсьыв.
Тӧ ӧд нэм чӧжыд уджавлін сідз:
Келан пидзӧсӧдз курыштны эжӧр,
Мед оз вош прӧста вершӧкджын видз.

Тэнад сөвэстыд век вөлі сьөрсьыд:
Мунап вундыны — шептор он коль.
Сөмын аслад бур удж йылысь бөрын
Ни он ошйысь, ни лишной он доль.

И тэ пыр вөлін сәні, көн сьөкыд,
Венин ставсө, көть кыв вылад рам,
Олөм туйыд көть эз вөвлы тшөтшыд,
Сійос вуджнысө тырмис тай сям.

Посни чукурөн визыйөдлөм кияс
Сотліс шонді и кынтывліс төв.
...Тэнад чужөмсянь Мозынысь йиис
Со нин кылаліс сизимдас пөв.

А тэ усыпаньвыв эн на и волы,
Көть и пөрысьлун пунктис нин пас.
Вөлі подвигөн тэнад став олөм
Воысь-во,
 лунысь-лун,
 часысь-час.

ЛЫМ ВЫЛЫН ГИЖӨД

Мамлөн, гөтырлөн, нывъяслөн
Торъя праздникныс лунө
Лыжи вылын ме шывкйода —
Пожом ягө ме муна.

Лымйыс бисерөн дзирдалө,
Өвтө тулысөн сынөд:
Войвыв көдзыдсө идраліс,
Войвыв турөбысь мыніс.

Лым выв быттьөкө шоналіс,
Сэсь кор гижөд ме аддзи:
«Лоий шудаось, донаяс,
Быд лун лоас мед праздник!»

Гижысь мортыслөн морөсас,
Дерт жө, тіпкө бур сьөлөм.
Тайө гижөдкөд орчөнас
«Аттьө!» содтома вөлі.

Кывъяс лым вылө колины,—
Ог төд, код найөс көдзис,
Сөмын долыд, мый олөны
Орчөн этатшөм йөзыс.

Г. Юшковлы

Кыкнанным ми лоим карса олысьяс.
Лысваён оз кётасьлывлы кок.
Да и чөскыд васö вöрса ёльясысь
Ог нин юлöй важся мында, ог.

Алöй нюмсö тувсов асья кыалысь
Аддзывлам кö, векджык öшинь пыр.
Югдöм водзын лэбачьяслысь шыалöм
Эг нин кывлöй тэкöд бура дыр.

Но ми колям тэкöд сиктса пиянөн,
Сы понда и асывъяснас век
Чужан вөр-ва кыскö-кыскö миянös...
Збыль öд, ёртöй, озджык узьсы сэк.

Син водзын вералысь чомъяс —
Еджыдъяс, гөрдъяс и лөз:
Ю дорө зэвтөмны вонъяс
Видз вылын уджалысь йөз.

Вонъяссө летывлө вой төв,
Аслысног вына да скөр.
Кымөра, букыштчөм войын
Мыськывлө виччысьтөм зэр.

Сөмын оз чинтыны йөзыс
Ичөтик керкалысь дон:
Мусаммө вежонъяс чөжөн
Гөгөрбок төлөдөм вон.

Здук кежлө узымөдчөм шонді
Кыасө эджык на өзт...
...Ю дорө зэлөдөм вонйын
Шойччөны мудзыштөм йөз.

Кытчö вошлінныд, ті,
Кытчö бырлінныд?
Ми эг аддзысьлöй,
Гулюяс, дыр нин öд...

Кодкөд ті энö ладмöй,
Эн моздысьöй?—
Война бöрын тан ті
Эн нин поздысьлöй.

Кытчö бырлінныд ті,
Кытчö вошлінныд?..
Рад ме, сьölөмсянь рад,
Мый бөр воинныд.

Сыктивкар шöрьсь,
Веж тополь пу улысь
Бара аддзи ме
Тіянöс, гулюяс.

Кутшöм авьяöсь ті,
Кутшöм мичаöсь...
Гулю-гулюяс,
Лöй дзоньвидзаöсь!

Кодыр сцена вывсянь кылö
«Шондібан»,
Унджык кывзысьысьлөн вөрзяс
Чужөмбан.
Пөчөыслы нюмъёвкерис
Пөрысь дед,
Важ том пөра коллялөмсö
Казьтас мед.
Кывзö нывбаба: öд сылөн
Олексан
Муслун гөрддзасигөн ворслис
«Шондібан».
Ставлы төдса, ставлы муса
Сьылан гор:
«Шондібанкөд» нэмсö вуджö
Коми морт.
Рад ме кывны «Шондібантö»
Вой көть лун —
Сэні йөзлөн олөм-вылөм,
Йөзлөн дум.

Ме тай гажтөмчысь вөлөм мортыд,
Быд во волавла чужан гортө.

Гожөм кольны и Крымын поэбө,
А ме шойччывла ас совхозын.

Сиктса йөзкөд да сиктса гажын —
Ю дор лыа ог нимты пляжөн.

Сизим кер судта кок ог лэпты,
Ог видз гожөмбыд киөс зептын.

Сідзтө вөчан кө — дыр оз юась —
Аслам батьөй и крапкас-шуас:

«Тэ экзаменъяс сдایتны кужан,
А вот кутшөмджык сиктса уджас?»

Гашкө, пиукөй, сөныд личыд,
Гашкө, косаыс усяс кисьыд?»

Сиктад лыддысин мед ас мортөн,
Колө видз вылас мунны кортөг.

Ытшкиг нинөмысь мед эн кольчы:
Верман — водзын мун, он кө — орччөн.

Шойчышт, помалан кор покостӧ,
И эн курит стӧг чӧвтигкості.

Лунтыр курт сідзи, быттьӧ гымӧн
Кайӧ юр весьтад зӧра кымӧр.

Тадзи пессьӧны гожӧм чӧжыс
Ыджыд сьӧлӧма сиктса йӧзыс.

Лӧсьыд кывны, кор збыль ас мортӧн
Менӧ лыддьӧны чужан гортын.

Да и ачым ме кӧсья ёна
Татшӧм йӧзыскӧд ӧткодь лоны.

Угорскöй, либö вепскöй,
А, гашкö, коми — ас:
Важ сиктлөн нимыс тешкодь,
Збыль тешкодь — Камсамас.

И мича жö тан места:
Крут кыркöтш йылö дзик,
Зэв вылö, Эжва весьтö
Кыз быттьö öшйис сикт.

Тась аддзан ылöдз-ылöдз,
Кор шондi дзирдыс яр:
Не сöмын Айкатыла,
Но, чайтсьö-й, Сыктивкар.

Тан олö коми войтыр
Зэв уна нэмъяс чöж.
Сы йылысь дзормöм мойдьяс
Пыр висьтавлöны йöз,

Кыз овлöмаöсь орччөн
И вепс, и коми морт,
Сы йылысь, кыззи коркö
Тась бырис чудьлөн горт.

Быд нэм ас пайсö пунктö,
Кöть öткодьөн он шу,

Но чудьлысь гу и спутник
Од чужтіс өти му.

Дерт, чужтіс сьөрсьөн-бөрсьөн..
Но вунӧдны оз ков,
Мый олӧмтӧ он шӧрсянь,
Он кызь арӧссиянь ов.

Мед овны восьса синмӧн,
Морт тӧдмалӧ ас вуж:
Нем важыс кӧ ээ инды,
И талуныс эз чуж.

Быд выльтор мортлы муса
И быдмыны век дась,
Кор вужйыс эм, ас муыс
И аслас Камсамас.

АДДЗЫЛІ ЭЖВА ЙЫЛЫСЬ

Вунлытõм серпас выльысь
Садьмõдлõ менсьым мõвп:
Аддзылі Эжва йылысь
Тайõс ме кольõм тõв.

Тõвзис машина миян.
Юж туйыс — шыльыд, кын.
Сотчытõм эзысь биõн
Дзирдаліс гõгõр лым.

Видзõда, мый сән водзын,
Виччыся туйлысь пом...
Лоисны сэки воча
Школьникъяс — куим зон.

Лыжияс вылын найõ —
Оз, майбыр, сёрмыны, оз.
Но мыйла кырсõ кайõ
Оти оз мукõд моз?

Казялі — босьтіс шемõс,
Паськаліс син и вом:
Ёртъяскõд кырсõ веніс
Кок пõда ичõt зон.

Кõстыльяс — бедьяс пыдди,
Гоз пыдди — õти лызь:

Чуймалім ставён — кыздз жö
Тадзисö вермö, кыздз?

Тыдалö, вына сьölöм
Морöсас сьлөн эм.
Оти лун шудтöм вöли,
Сöмын эз чегъяв нэм.

Восьлалö, а оз уяв,
Петкöдö йöзлысь веж.
Татшöмыд нярган туйö
Нинöмысь нин оз кеж.

Ёртъяскöд быдмö орччөн,
Вынаён лоны мед —
Лыжиён кö оз кольччы,
Мукöдторъяд нин, дерт.

Тövзьö машина миян...
Кöрталіс мövпсö ёрт:
«Эскöй мем, коми пиян,
Петлас на таысь морт!»

Он нин важ моз уна льөмйөн нимав —
Лоин быдса карлөн шойччанін.
Льөмъю, аддзөдчывны тэкөд нимкодъ —
Он өд прөста новлы мича ним.

Мыйөн сөмын Эжва йисө йөткас,
Мыйөн сөмын вөрзяс теплоход,
Чуксаян нин, энотлыны тшөктан
Коми мортлы дзескыд карса горт.

Кажитчө, мый сэки выльысь чужлам.
Кодыр выльысь аддзам пожөм вөр,
Выльысь юква вөчлас чөскыд ужин,
Выльысь төдлам заравалысь көр.

Лышкыд Льөмъю,
Тэ и сийөн дона —
Кывбур гижны сьөлөм сетлан век:
Ми воксө тэ ышөдывлан ёна,
Сы вөсна, мый ачыд мича сэк.

Льөм пуястө тэнсьыд ме ог дойдав —
Мичлуныс өд абу сөмын мем.
Карса мортлы волөмыс тэ ордад
Чужан сиктө волөм кодъ жө-й эм.

КӨКА ВОЙЯС

Шонді, ытва, нюмдөм чужөмбан —
Быдторнас сэк нимкодясьлам тан:
Бурдлывлөны, чайтсьө, бурдтөм дойяс,
Кодыр Коми муын көка войяс.

Уна муслун чужө, этша — лөг,
Кузь нэм, бур шуд йөзлы вөзийө көк,
Мусуклөн сэк медся небыд сойяс,
Кодыр Коми муын көка войяс.

Войыв муын ола-выла нэм,
Но пыр выль ног петкөдчөны мем
Асья, рытъя кыаяс — бур чойяс,
Кодыр Коми муын көка войяс.

И мый вермис лоны да эз ло,
Збыльмөднысө сэки зілям со:
Бур надея югөръяссө койлас,
Кодыр Коми муын көка войяс.

КОКНИ БОРДЪЯ МАЙ

Бара гурйыв
Ошиньяс ми восьтім —
Бара тулыс,
Йиысь мездмис ю,
Воом колип
Бара гөлөс ёсьтө:
Сьылө-ошкө
Ассьыс войвыв му.
Вөр-ва садьмөм
Век көть видзөд эськө,
Век көть шуда мортөн
Асьтө чайт,
Кодыр дона
Чужан сиктьяс весьтын
Мывкыд руөн
Пöлясьлывлө май.
Бара кыз пу
Тшاپитчө да вöччө,
Тиралө да гирзьö
Пипу кор,
Тувсов шондi улын
Зильмө-öддзö
Вутшьяс костö
Тöвнас йизьöм шор.
Томаньяс ни иганьяс
Оз видзны —
Локта вөрö,
Көн көть ме эг вöv:
Аддзан, кылан,
Кызди ловзьö мичлун...

Вай тан, ёртöй,
Пукалыштам чöv,
Югыд көсийöm
Сьöломаным пестам,
Мыйкö ыджыд буртор
Вöчам вай...
Мед жö дырджык
Миян Войвыв весьтын
Кокныйд борднас
Шенасьö веж Май!

ЮГЫД ТӨЖДЛУН

Тувсов көрөн сынөд өвтө,
Дзескыд лоис горт:
Синсө чөвтлө, выльысь чөвтлө
Ыблань сиктса морт.

Кор нин бара вежас көдзыд
Вильшасяна лад,
Кор нин бара гөрны-көдзны
Буретш лоас кад?..

Кыдзи бара тэныд овсьө,
Лымйысь мездмөм му,
Кыдзи бара таво ловзяс
Морös вылад сю?..

Кутшөм көйдыс медводз чужас,
Нюжмасьны оз кут,
Кытысь гөрысь-көдзысь кужас
Корсьны ассьыс шуд?

Уна төдө карса олысь —
Отитор оз төд:
Сиктса мортлы кутшөм волө
Тувсов, югыд төжд.

ЙИРСЬӨДЧИГӨН

Водз тулысын, кор веждас ас муным,
Кор муртса сөмын сыркмуныштлас вой,
Ми, челядь чукөр, йирсьөдчыны мунам
Да войбыд кывзам вөр-ваыслысь мойд.

Мудз вөвъяс дорын —
Тэрыб, посни зонъяс,
А зепъясаным — картупель да лук.
Ми пөжасям да лыскысь вөчам чомъяс
Да бипур вомөн чеччалам бур здук.

А сэсся войыс босьтас небыд сывъяс,
И ыб, и яг сэк матынөсь сё пөв,
И төдтөм, гөгөрвотөм муслун кывъяс
Том сьөлөмъясө пөльтас лунвыв төв.

И сэтшөм мелі чужан мулөн гөлөс!
И сэтшөм лөсьыд сылөн ловъя мич!
А быдмам —
Төждлун гартас уна пөлөс
И нимкодясьлам вөр-ванас ог сідз.

Эжва кывтыд төвзё теплоход,
Гыяс вундö ваö лэдзём бордйөн...
А мем онöдз казътивсьöны вот
Ичötдырся
Юсь кодъ пароходъяс.

Олёмнымлөн öдыс öнi мöд...
Пиянным нин миян — верстьö зонъяс,
Но и менö оз на дзугыльмöд
Арлыдöй:
Кыз налы, олём дона.

Мый, көть юрси неуна и дзор,
Серамöй не сэтшöм гылыд, гашкö,
Но зон войтыр кытшö пукся кор,
Бытьö пыра тöдса кыддза раскö.

Сыла накöд öттшötш сыланкыв,
Арлыд бытьö чинö, вынöй содö...
Кöть и тöда,
Миянкöд оз кывт
Ичötдырся юсь кодъ пароходöй.

◆

Ме өд талун шонді петөм көлі¹,
Бөр-ваыскөд воча-воча вөлі.
Воча-воча, кызди муса ёрткөд,
Кодкөд важөн торъявлывлім коркө.

Төврулысь ме садьмөм талун көлі —
Пипу коръяс пөвстын узьө, вөлөм.
Буретш сәні сералігтыр ловзис,
Но бур серам ывласө эз повзьөд.

Лэбачьяслысь чеччөмсө ме көлі,
Сыланкывсө налысь кывзі чөла,
Адзылі, кыз ичөт тэрыб пыста
Гөгыльтөдіс турун вылысь лысва.

Быдөнөс оз чуймөд, мый ме көлі,
Но ме лунтыр шуда мортөн вөлі,
Паныдасьлі быттьө муса ёрткөд,
Кодкөд важөн янсөдчывлім коркө.

¹ К ө л і — адзылі да нимкодыси.

Мед көть и писькөсөн шусян,
Быдөн ог вермөй на ми
Майшасьтөг лым улын узыны,
Зэр улын пестыны би.

Торъя нин сэк, кодыр истөг
Кольөма дзик өти тув,
Көдзыд кор ки и кок нистө,
Өзтан кө — ов,
Он кө — кув.

Шмонитлам, истөг кор ки тыр:
Истөгыд — ыджыд тай тор!
Но сийө чужтывлө бипур,
Код дорын ловзьывлө морт.

СУВТАС ЙИ...

Медбөр корйыс уяс кыз пу-чойлөн,
Кусас чери кыйысьяслөн би,
Сэсся коркө арся сэздьом войо
Эжва вылын бара сувтас йи.

Сувтас йи... но юыс водзө кывтө...
Сэки чайтсьо пельпом саяд борд,
Сэки йилөн рөмпöштаныс вывті
Мөдлапөлө зермас вуджны морт.

Лолыдлы сэк лөсьыд зэв и кокни:
Чужан вөр-ва бара лоас выль.
Уна сөстөм мөвп сэк юрө локтө,
Мөвпыштан мый сэки,
Лоас збыль.

Сувтас йи, а юыс кывтө, кывтө,
Көть оз вильшась серамбана гы.
Сэки, юлысь визувтөмсө кывзиг,
Кылан ассьыд сьөлөм тіпкөм шы.

ТӨВСЯ АСЫВ

Сэзь да югыд төвсЯ асылыс
Клёнакылö — кын.
Кылам воськовнымöс ассыным —
Гора дзуртö лым.

Дзуртöм шыыс пельöдз инмöдчö,
Вöтлö войся ун.
Чеччö эзысь садьмöм синьясö,
Бөр көть найöс кунь.

Кызьяс вылö жемчуг öшйöма —
Висьтавынн он куж:
Юрсянь кок улöдзныс прöшвиөн
Гьёртöма пуж.

Тайöс нимкодясиг видзöдны
Ме ог дözмы нэм.
ТөвсЯ серпасыс зэв мича да
Вывтi дона мем.

Асывбыд со шöйта-ветлöдла.
Ачым — шуда, рам.
Кöдзыд эськö нырöс чеплялö,
Кыз тай коркö мам.

А гортса серпасъясыд лӧсьыдӧсь и шаньӧсь...
Оз весьшӧрӧ ӧд дзормӧм генерал
Ас чужан сиктас воывлы быд ар
Да пӧся-пӧся кутлы ассъыс мамӧс.

Сэк мамыс сылы мыччас тагъя сурсӧ
Да-й сельповысь на ваяс ӧти доз,
И эня-пия сӧрни нуигмоз
Сэк казътыласны омӧльсӧ и бурсӧ.

Быд шуӧм кыв тшӧтш кыкнанныслы дона,
Оз казавны, кыз воас вой шӧр вой:
«Тэ нӧкъя тшаксӧ пӧттӧдз, пӧттӧдз сӧй,
Ӧд ичӧтсаяныд радейтлӧн зӧв ӧна.

Кӧть гортад медем тӧждысьӧмьыд чинлас,
Тэ ӧні, пиук, сӧсся вод нин, мун...»
И генералӧс личкас чӧскыд ун,
А мамыс пуксяс сылы юрлӧс дӧнас.

Ме тэнö радейта.

Мем нинöм абу веськодь.

Мем абу веськодь, кызэи коляс лун:

Мед удж и сёрни ставыс вöли веськыд,

Мед сöстöм вöли вöчöмтор и дум.

Мем абу веськодь, сёрнитö мый йöзыс

Ме йылысь, кодi сетö кутшöм дон:

Öд ме вылö кö сöлас лёкыс, лöжыс,

И тэныд инмас сийö лöжлөн пом.

Мем абу веськодь, кодыр шудлөн югөр

Сöдз нюмөн шонтö тэнсьыд чужöмбан.

Мем абу веськодь, кутшöм бөрья юөр

Войнаяс йылысь ваяс Левитан.

И нинöм быттьö майшасьнысö эськö,

Ми тэкöд быдмам, быдмам воысь-во...

Ме тэнö радейта.

Мем нинöм абу веськодь.

И тöждыся,

Мед тэныд лёк эз ло.

Кужлөмаось, майбыр, миян пöляс
 Величайтны войвыв чужанін,
 Мывкыдныслы сетлөмаось вöля —
 Бөрйылöмны мыйта мича ним:

«Лун морöса ыб» да «Омидз ласта»,
 «Мыка ёль» да «Гörd кельчна ты»...
 Бур сьölöма мортöс быттö казтö
 Кывъясылöн авъя, сöstөм шы.

Талун öмöй лёкмис чужанінным?
 Мөвпным оз мöй судзсы, оз мöй ворс?..
 Ми öд öні сеталам жö нимъяс:
 Ставыс Дивногорск да Белогорск.

Зильё миянӧс кӧдзыдысь видзны,
Сетӧ сынӧдлы пожӧм лыс кӧр.
Зэв бур сьӧлӧма, лышкыд да мича
Чужан му пасьта лӧзалысь вӧр.

Сэтчӧ гортӧ моз волам,
И оз мунсьы сэсь бӧр.
Коми мортыдлысь мичмӧдӧ олӧм
Парма вӧр,
Зарни вӧр,
Сьӧлӧмшӧр...

Тэ кӧ донъялан вӧр-валысь бурсӧ,
Мыйкӧ мелӧс шӧпкӧдас коз.
Ниа копыртлас чатӧртӧм юрсӧ,
Тэлань мелӧа видзӧдлӧгмоз.

Парма-ягным оз овывлы пӧдса —
Коми мортыд ӧд сэтчӧ оз вош:
Сылы ки пыдӧс визьяс моз тӧдса
Вӧрса ёльяслӧн быд ичӧт вож.

Сэтчӧ гортӧ моз волам,
И оз мунсьы сэсь бӧр.
Коми мортыдлысь мичмӧдӧ олӧм
Парма вӧр,
Зарни вӧр,
Сьӧлӧмшӧр...

ПОЖОМА ЯГ

Зарниа кыалӧн биын
Сикт сайын пожӧма яг.
Киясным ёрта-ёрт кыин,
Кыкнанным ньӧжмӧдлам шаг.

Пожӧмъяс, пожӧмъяс, пожӧмъяс —
Откодъ век пуяслӧн мич.
Отмоза тӧлын и гождӧмын,
Донаӧй, муслунтӧ видз.

Неважӧн чужан му видзны
Мӧдӧдчис ягвывса зон.
Новлӧдлӧ том пограничник
Пожӧм лыс рӧма погон.

Бура видз ылас сәні
Рӧдина-мамтӧ, салдат.
Сәсся эн вунӧдлы менӧ,
Менӧ да пожӧма яг.

Пожӧмъяс, пожӧмъяс, пожӧмъяс —
Откодъ век пуяслӧн мич.
Отмоза тӧлын и гождӧмын,
Донаӧй, муслунтӧ видз.

Ньӧжйӧник шуньгӧ-кывтӧ
Мозынлӧн сӧстӧм ва.
Янсӧдчан, бӧръя рытӧ
Гудӧкӧн ворса вальс.
Пиыдлы кузь туй водзын
Ышӧдан кывъяс шу,
Мозын, тэ менам Мозын,
Парматі визувтысь ю.

Ме кодыс тэнад уна,
Тэ менам ӧтнад дзик.
Окота мамӧн шуны
Тэнӧ да чужан сикт.
Мый тэсянь бурыс вӧлі,
Некор ог вунӧд ме.
Сӧстӧм кӧ менам сьӧлӧм —
Мыськавлін сійӧс тэ.

Нэм кежлӧ ог кӧть быттӧ,
Ог кӧть война вылӧ мун,
Кокньыдӧн ме ог лыдды
Тэкӧдыд торйӧдчан лун.
Пиыдлы кузь туй водзын
Ышӧдан кывъяс шу,
Мозын, тэ менам Мозын,
Парматі визувтысь ю.

РӨДНОЙ ШКОЛА

Олөмыс водзё пыр мунё,
Сюрлө и гажтөм, и рад,
Сөмын тай некор он вунёд
Школаын велөдчан кад.

Томлунёй, томлунёй —
Кокньыдик бордйёй,
Сөстөма визувтись ёль...
Томлунёй, томлунёй,
Радейтан ёртёй,
Пельпомъяс сайё эн коль.

Арлыд көть мыйта он артав,
Кутшөм көть туйяс он таль,
Школаса ляпкыдик парта
Мыйлакё важ мозыс жаль.

Эг көть ме вөв сэки сюсьджык,
Корсюрё кажитчө вот:
Школаса ёртъясысь бурджык
Быттё эг аддзы на ёрт.

Кыр йылын сулалысь школа,
Миянөс чукөртлы вай.
Оқотапырысь ми волам,
Гажөдчам ассъыным пай.

Томлунһой, томлунһой,
Кокньыдик бордһой,
Сӱстӱма визувтысь ёль...
Томлунһой, томлунһой,
Радейтан ёртһой,
Пельпомъяс сайӱ эн коль.

И кор зэрлывлө,
 И кор пужъявлө,
 И кор ю вывті котралө гы,
 Йөзлысь пальөдө
 Рытъя узьөмсө
 Дзоля гудөклөн гажөдан шы.

Ныла-зонмаөс
 Корө-чуксавлө,
 Сылөн гөлөсыс мелі и шань.
 И оз мытшасьлы,
 И оз дзугсьывлы —
 Асья кыаөдз гудөк оз ланьт.

Вөрлысь шувгөмсө,
 Лэбач дзользьөмсө
 Вермө висьтавыны гудөклөн гор,
 Варов сёрнисө
 Сөстөм ёльяслысь
 Да-й том сьөлөмысь медгусятор.

Гудөк шыяссъыс
 Весиг кывлывлам
 Пөрысь мамъяслысь рам сьыланкыв.
 Гудөк бөрдлывлас,
 Гудөк сьывлывлас
 Либө ышловзяс, кызди том ныв.

И кор зэрлывлө,
И кор пужъявлө,
И кор ю вывті котралө гы,
Йөзлысь пальөдө
Рытъя узьөмсө
Дзоля гудөклөн гажөдан шы.

◆

Олөмсыйс ми быдөн корсям мичлун...
Мөд ногөн и овны-вывны нем.
Отяслань мичлун локтө сідзи,
Мукөдыс сы бөрся вөтчө нэм.

Олөм пужйыс көть и усьлө уна,
Ме ог личөд мичлун йылысь дум:
Верма весиг гажтөмчигөн шуны —
Воас,
Воас,
Воас
Сэтшөм лун,

Лоас на бур ёртъяскөд бур сёрни,
Мусаёйкөд лоас кутчысьлөм,
Аддыла на алькөс берег дорысь
Тулыс помын дзоридзалысь льөм.

Сөстөммис да мичаммис
Енэжыслөн рөм.
Эжва берег пасьтала
Дзоридзалө льөм.
Сэки шуда йөзлөн
Медся кыпыд лов:
Тулысын му вывті
Ветлөдлө любов.

Сэки мича турунөн
Вежөдө видз выв,
Сэки мортлөн сьблөмын
Чужө сьыланкыв.
Некод тувсов кадө
Зумыша оз ов:
Тулысын му вывті
Ветлөдлө любов.

Шудаа сэк нюммунас
Нывлөн чужөмбан,
Аддзас сійө мусуксө,
Коді медся шань.
Гажтөмчыны сэки
Нинөмысь оз ков:
Тулысын му вывті
Ветлөдлө любов.

Тувсов югыд лунъясöй,
Донаясöй тi,
Сьöлöмъясын öзталсi
Радейтчöмлысь би,
Медым сэки некод
Муслунтöг эз ов:
Тулысын му вывтi
Ветлöдлö любов.

Ириналы

Кыдз ныв дырйи-д коркө,
Тә воштылан унтө,
Кор садьмасны шорьяс,
Кор пөльыштас лун төв.

Сэзь енэж кодь сөстөм
Лөз синьясад нюмыд.
Сэк зэв югыд бордяса
Овлываõ думыд.

О, кыдзи ме косья,
Мед пыр вөлі тадзи,
Мед букыштчөм луньяс
Тә нэмыд эн аддзыв.

Но волөны зэрьяс
И виччысьтөм пужьяс,
А сайөдны наысь
Ме тәнө ог куж на.

Ме вунөдла тәнсьыд
Став мывкыдтө, буртө
И бушковтөг, төвтөг
Кос вой пу моз дзурта.

Дерт, колө мем, колө
Ён ниаён лоны,
Мед тэныд, шань кыддзёй,
Кыз шогё не воны.

Тэ медъёна колан
И ёні, и бёрын.
Кор тэ мекөд орччён,
И бушков оз пёрөд.

Кор тэ мекөд орччён,
И вой төв оз вунды.
И кажитчө меным,
Мый пöлясьё лун төв.

Гортө оз тэрмасьны нывъяс,
Кадыс нин көть асьядор:
Зонъяслөн меліник сывйын
Кывзёны гудёккльсь гор.

Регыд көть удж вылө колө,
Тайёс он думайт — да-й пом.
Тодам өд, кутшөмөн овлө
Сьёлөмъяс көрталысь дом.

«Аскиөдз!» — мусукуыс шулас,
«Аскиөдз!» — вашнитлас ныв.
Сөмын и сэки оз мунны,
Кывзёны выль сьыланкыв.

◆

Шабді юрсиа нылӧй,
Менсьым гӧлӧсӧс кылан?

Петав, донаӧй, петав,
Оз ло рытйысьӧм тэтӧг.

Тэтӧг кыа оз ӧзйы,
Тэтӧг ворсны ог кӧсйы.

Тэтӧг йӧктӧм ни сьылӧм,
Тэтӧг олӧм ни вылӧм.

Шабді юрсийӧй, петав —
Оз ло рытйысьӧм тэтӧг!

◆

Вежсьö мөдлапöвса ласта,
Бара раммö вильыш ю.
Наста, сьöлөмшөрöй, Наста,
Мыйкö шу вай, мыйкö шу.

Тулыс бöрын гожöм локтас,
Сэссия — кöлысьяслөн кад.
Дыр нин гудöк менам шогсьö,
Оз веж ышлолалан лад.

Видзöд, Наста, вильыш Наста,
Бара косьмö лыа кöдж.
Кымын паськөм вежис ласта
Менам сьöлөм косьмигчöж!

Мед коть вой төв ошиньясö инмö,
Мед коть сотчö ывла вылын гож,
Век тэ муслун корсян менам синмысь,
Медым эськö тöдлытöг эз вош.

Вай тэ пукты морöс вылö китö,
Тöждлун тöдтöг кыа бөрöдз узь —
Миян шудлөн тöрыт öзйöм биыс
Аски да и аскомысь оз кус.

Да, оз кус
И весигтö оз чусмы.
Донаöй, тэ нинöмысь эн пöв:
Сöстöм би кинь öзтис менсьым муслун,
Сийöс ёна пестыны оз ков.

Ми сэки вөлім понөляс кодь томөсь,
А сиктын вөлі сымда мича ныв,
Но сьөлөм косьтысьяслы миян вомысь
Эз лышкыда зэв петав мелі кыв.

Ми чорзьөдны век зілим небзьөм сьөлөм
И гым сэк, кор колө овны чөв.
Ми мусаяслы лымйөн лыйлам вөлі
Да алөй банттөг кольлам көса пөв.

И кодлөн вөлі медся мича көса,
Мед талун оз жө гажтөмчы да бөрд.
Көть төрыт сійө эскыны эз көсйы,
Мый понөлясысь быдмас джуджыд вөр.

ЛЫСВА

Усяс кӧ сӧдз лысва, югыд лысва,
Рытсянныс нин тӧдӧны бур йӧз:
Аски букыш кымӧр зэр оз ысты,
Аски лунтыр енӧж лоас лӧз.

Шонді петіг чӧсмасьыштас пыста —
Лапкор вылысь юас югыд войт.
Шуӧны, мый асья сӧстӧм лысва
Бурдӧдлывлӧ весиг сьӧлӧм дой.

Муса нывъяс,
 ворсӧй,
 резсьӧй,
 мыссьӧй —

Мелі лысва ставлы содтас мич,
Аддзанныд ӧд — лысва косьмӧм мысти
Кымын рӧмӧн дзоридзалӧ видз.

Сьӧлӧмӧй менам, томиник нывлӧн,
Косьмӧ нин некымын во.
Мыйла нӧ, мусаӧй, донаӧй, мыйла
Тэ тайӧс он гӧгӧрво?

Аддза кӧ тэнӧ — югдыштас ывла,
Енэжын кымӧр оз ло.
Мыйла нӧ, мусаӧй, донаӧй, мыйла
Тэ тайӧс он гӧгӧрво?

Мукӧд моз тэнӧ рытнас ог кыйӧд,
Синъясӧн тэкӧд ог ворс.
Мыйла нӧ, мусаӧй, донаӧй, мыйла
Тэ тайӧс он гӧгӧрво?

Шондӧ тай шонтӧ, кӧть сийӧ-й ылын,
Ми жӧ дзик орччӧнӧсь со.
Мыйла нӧ, мусаӧй, донаӧй, мыйла
Тэ тайӧс он гӧгӧрво?

Тулыс воас,
Ытва лоас
Варов, збой.
Но оз кылөд
Сійӧ нывлысь
Сьӧлӧм дой.
Чужан нюрас
Горзысь тури
Воас бӧр.
Локтан он тә,
Муса зонмӧй,
Сьӧлӧмшӧр?

Ыбсянь увлань,
Воссьӧм юлань
Пышъяс шор.
Нырсо мыччас
Ва дор кызлӧн
Небыд кор.
Регыд садьмас,
Ловзяс, гажмас
Му и вӧр.
Локтан он тә,
Муса зонмӧй,
Сьӧлӧмшӧр?

Шонді ваяс
Войвыв крайӧ
Мелі дзирд.

Прёста өмөй
Ныв сьөлөмын
Пузяс вир?
Тувсов кадө,
Муслун кадө
Сьыв коть бөрд...
Локтан он тэ,
Муса зонмөй,
Сьөлөмшөр?

Олөмыс овлывлө енэж кодь лөзөн,
Жугыльтчөм оз көвьясь нем,
Пужйись он кынмы и зэрысь он дөзмы,
Тэнө кө радейтысь эм.

Окота төлысьөдз, кодзулөдз воны,
Кодлыкө дзирдавы сэн,
Окота бордъяөн, вынаөн лоны,
Тэнө кө радейтысь эм.

Окота бур йөзлы отсөг ки сетны,
Сөстөма колльөдны нэм,
Биысь и ваысь и из улысь петны,
Тэнө кө радейтысь эм.

Лун кө нин воас, зэв гудыр и сімыд,
Муслуныд отсыштас тэн:
Кокныдджык шудлунтө бергөдны дінад,
Тэнө кө радейтысь эм.

Муслун мед кельдывтөм дзоридзөн вөлі,
Сійөс эн пөръявлы, эн.
Сьөкыд зэв дзоньтавыны жугласььөм сьөлөм,
Тэнө кө радейтысь эм.

Ог, ог кут ме висьтасьны,
Синмасьны ог мөд.
Мый ме тэнө радейта,
Весиг тэ он төд.

Төдө сьылысь колипкай
Тэнсьыд дона ним.
Төдө, менам муслунöй
Ытва кодь, оз чин.

Төдө менсьым майшасьöm,
Төдө менсьым мөвп
Тэнсьыд юрси дзуглывлысь
Вильыш лунвыв төв.

Төдө яг выв пожом пу,
Төдө ю дор льöm,
Но оз восьтны гусятор —
Коді дона мем.

Сьölöm пытшкам новлөдла
Муслун вой и лун.
Вералö век син водзам
Тэнад сөстөм нюм.

Но ог кут ме висьтасьны,
Синмасьны ог мөд,
Мый ме тэнө радейта,
Весиг тэ он төд.

Вөснһыд гөлөс сю му дорысь
Кыліс.

Мича нывка нора-нора

Сһыліс:

«Сыкөд кыкөн мачөн ворсөм,
Мөдлапөлысь мөсһяс корсөм
Вөлі.

Оти дозйө өмидз вотөм,
Гортө кутчысьөмөн локтөм
Вөлі.

Мозын дорын пукалөмыс,
Муса зонлөн окалөмыс
Вөлі.

Вөвны вөлі, сөмын бөрө
Колис,

Гашкө, оз нин сьөлөмшөрөй
Волы».

Кызь арөснад быдтор шуны
Позьө.

Төдө нывка: сһлөн шудыс
Водзын.

МЫЙЛА ТЭ ЭН БЕРГӨДЧЫВ?

Колин сійӧс туй бокӧ,
Бытӧӧ ӧтка бербаӧс,
Муртса кисӧ кутыштлін,
Сэсса эн и бергӧдчыв.

Унатор, зэв важнӧйтор
Колис тӧдтӧм, висътавтӧм.
Тэнад бӧрӧя кывъясуд
Кӧдзыд ваӧн кисътӧм кодъ.

Чышкис вазьӧм бандзибсӧ
Лӧза-гӧрда чышъяннас.
Некыдз эз и гӧгӧрво
Тэрмасьӧмӧн пышйӧмтӧ.

Тэ эн шу, мый радейтан,
И эн шу, мый мустӧмтан.
Он мӧй тӧд, мый лӧдсавтӧг
Ыджыд бипур кусывлӧ?

Дыр на кутас казьтывны,
Гашкӧ-й коркӧ бӧрдывлас,
Кытчӧдз оз ло кодлӧнкӧ
Радейтана гӧтырӧн.

И кор сиктӧ бергӧдчан
Во-мӧд кежлӧ сӧрмӧмӧн,

Сылысь шудсö эн нин дзуг
Муслун йылысь сёрниён.

Некытысь не аддзыны
Мөдös, татшөм мичаös.
Мыйла тэ эн бергөдчыв,
Бөрвылад эн видзөдлы?

Казьтышт, мусаёй, медбөръя гождом,
Сійо рытсö, кор янсöдчиг тэ
Сетин войвывса медмича козин —
Катшасинъясысь вöчöм букет.

Гусьон радейтим ми öта-мöдöс.
Вöли муслун, и сёрни эз ков.
Кор тэ дзоридзьяс сетин, ме тöдi,
Найöс сетнысö тшöктö любов.

Сэксянь зэв уна туйяс ме мунли,
Усьлис син улö быд пöлöс цвет,
Сöмын некön и некор эз вунлы
Катшасинъясысь вöчöм букет.

КУТШӨМ ОВЛӨ МУСЛУН...

Муслун — сійӧ югыд сӧстӧм кодзув,
Тэрыб бордъяс вылын лэбысь вой.
Муслун — сійӧ кокныд, мича бобув,
Колана и чӧскыд сьӧлӧм дой.

Муслун — сэки майшась тэ да вежӧгт,
Курыд синва кисьтны уна вель.
Муслун — сійӧ бытшкасяна лежнӧг,
Сьӧлӧм пытшкӧ йӧрмӧм чорыд жель.

Кутшӧм кӧть оз овлы эськӧ муслун,
Асьным кӧсьям, некор мед оз куслы!

Коли лун —
Олөм йөткыштчис водзё,
Миян му, пөрысь му вөчис ас гөгөр кытш.
Коли лун —
Шонді вөр сайё водіс,
Нинөм думайттөг ас позъяс узьмөдчис джыдж.

Коли лун —
Кодкө өвтыштас кинас:
Но и мед, аски шондыс оз на өд кус.
Коли лун,
Сөмын сьөлөм оз инась —
Медбур кывбурөс бара на гижны эг куж.

Поэма

I

Ленинградсянь татчаньын,
Көні вöрыс тшем,
Валя нима станция
Кöрт туй вылын эм.

Валя... Мелі нимас
Бытгö сёльгö шор.
Валя, Валентина —
Кöлөкөльчик гор.

Валя, Валентина —
Колип сьыланкыв.
Валя, Валентина —
Чöдлач синма ныв.

Ленинградсянь татчаньын,
Волхов дорын сэн,
Лöсьыд нима станция
Кöрт туй вылын эм.

Пармаын кодъ гожöм сэн,
Миян кодъ жö му.
Видзöны дзор пожöмъяс
Ыджыд братскöй гу.

Поезд төвзё-чуксасьö
Пармалань быд лун,
Но оз садьмод тутсöмнас
Усьöм йёзлысь ун.

Небыд муыс вояс чöж
Луньюгыд оз восьт.
Орччөн төвзьясь поездыс
Гортаныс оз босьт.

Кодös öнöдз виччысям,
Тшöтш жö узьö тан —
Нэмнас некор бритчывтöм
Коми лейтенант.

II.

А сийö шудтöм воас
Сидз оналис июнь,
Сидз югзьывлисны войяс —
Кöть синтö он и кунь.

Кöть узыны он и водлы,
Кöть гортад он и пыр.
Ме тöда, Ваня, кодкöд
Тэ колльöдчывлин дыр.

Том гöтырпуыд — Валя...
Кыдз нимкодясис мам!..
Но ставсö тайöс талис
Да кресталис война.

Тэ мöдін сьöкыд туйö,
Но вылын кутин юр.
И шуалин, мый юан
Он медбöрьяысь сур.

Мый гортад регыд локтан,
Тэ сьылін сьыланкыв:
«По Муромской дороге
Стояли три сосны...»

Да, мамным миян быдтіс
Дзик буретш куим пи.
И сьыланкывсьыд быдөн
Сэк гөгөрвоим ми:

Ён пожом весиг пөрлө —
Со өнөдз кыскам шог:
Од финской вылысь бөрсө
Медыджыд вок эз лок.

«По Муромской дороге
Стояли три сосны...»
Зэв шога, шога, шога
Тшөтш сьыліс муса ныв.

Зэв сьökыд гортысь петны —
Мам сывйысь дыр он мын,
Но логлун кыскис сэтчань,
Көн юрالیс лёк гым.

III.

Ваня, сэтшөм өдйö лэбзьö кадыс:
Лун да вой —
И гöгыльтчöма во.
Вежсис-бурмис сиктлөн олан ладыс,
Ме нин батын важөн лои со.

Ваня, тэкөд торъялім ми нимөн,
Сэсса өткодъ сөнъясаным вир,
Сэсса аддзывлім ми өткодъ синмөн
Мөвпалігөн кодзувъяслысь дзирд.

Отув вөлі нимкодъыс и радыс,
Лөк кө вөлі, кыкнаннымлы лөк.
Ваня, сэтшөм өдйө лэбзьө кадыс,
Төвзьө кадыс,
Ваня, дона вок.

Ме ог вунөд.
Кувтөдзөй ог вунөд:
Кор ме вөлі быттьө ичөт шег,
Доляд праздник, майскөй праздник лувө
Пельпом вылад пуксьөдлывлін век.

Ме ог вунөд,
Кыдзи сцена вывсянь
Сиктса йөзөс гажөдлывлін тэ.
Тэкөд орччөн гажа сьыланкывъяс
Улөс вывсянь чилзі-сьывлі ме.

Ме эг вунөд,
Шыпасъяс кыдз гижлі —
Тэнад кыд кутө менсьым ки:
Гашкө, сэки өзйис, пыдө йиджис
Сьөлөмам мем
Тэнад сьөлөм би.

Ваня, сэтшөм өдйө лэбзьө кадыс...
Ме сэк эг на велөдчысьөн вөв,
Кор тэ сувтін комсомоллөн радө —
Верстьөджыкөн лоин уна пөв.

Ытшыкыян машина, первой трактор,
Чуймөдана выльтор — югыд би —
Ставсө вөлі гөгөрвоан. Артмө,
Ладмө накөд тэнад кужысь ки.

Рытын сиктса йөзлөн гажыс-шудыс
Тэ гөгөрын гартовтчыліс тан,
Кодыр киад ловзяс, сывны кутас
Муслун йылысь сёрнитысь баян.

Тэнө весиг вежөгтыны понді:
Кыз нө сідз?—
Зэв сёр нин, а он лок.
Көзяинөн эновтөм рам пон моз
Виччыся ме тэнө, ичөт вок.

Бур, зэв бур,
Мый сэки вөлін шуда —
Жан морөсөн, вокй, олін тэ:
Талун кө собранье сиктса клубын,
Аски рытнас — том йөзлөн концерт.

Чайті, клубас кыскө Валентина —
Сиктын медся сшылысь-йөктысь ныв.
Эг на төд, мый том йөзөс тэ дінад
Кыскө гажлөн серамбана тыв.

Казялісны өдйө тэнсьыд сьөлөм,
Быттьө ортсын өзйө, зіль да яр:
Регыд мысти сиктаным тэ вөлін
Бөрийөм комсомольскөй секретарь.

Тэ он төд, ой, кутшөма ме радлі,
Кор тэ мекөд орччөн, статья, ён:
«Чолөм, комсомольскөй секретарлы!»
Мөдьяс: «Видза олан, агроном!»

Помкатөмджык вөлі ошкан кывйыс —
Агрономон эн на эськө вөв,
Но кор вердысь-матушка му йылысь
Мунліс сёрни,
Сюся кывзін чөв.

Пельяс саяд сюркнявлін.
И быдмин —
Нинөмысь эн петитчывлы бөр:
Тэнад агас сынавлывліс ыбъяс,
Эжа муяс бертліс тэнад гөр.

Муөсьтны эн пов,
Ог шу нин —
Кияс,
Весиг вомнад видлавлін съод му:
Сідзи мукөд аньыс ассъыс писө,
Ассъыс нывсө лелькуйтны оз куж.

Нимтысьөмъяс пыдди тэ эн пуктыв:
«Агроном». И мед.
Но аслад вөлі мог:
«Помалам на коркө институтъяс.
Тэ эн майшась, менам дзоля вок!»

Ставыс тайö вөлі, Ваня, вөлі:
Нывлөн муслун,
Ыбъяс вылын нянь...
Сөмын тай бур мөвпъяс вылад сөліс,
Ставсө чашйис-гудыртис война.

IV.

Көть границаяс таланьö водіс
Мыйта Рөдина-мамнымлөн пи!..

Чужан му весьтын тшыныс пыр содіс,
Чужаніннымос чишкаліс би.

Чайтсьо, вөрзис став чужан му миян...
Рытиввывланыо тэрмасигтыр
Бисо кусодны выльысь-выль пиян
Лун и вой сэтчань мунісны пыр.

Коді Комиысь —
Сійо пö винёв,—
Стöча лыйсьыны велалöм зон.
Войвыв мортлөн пö дорйысяніныс —
Ленинградскöй да Волховскöй фронт.

Кужöмлуныс, дерт, зонъяслөн сьöрысь,
Но оз кыпöдны зэв ыджыд гаж
Пöдöм нюръяс, да тыяс, да вөръяс,
Арсянь тулысöдз йизьöм блиндаж.

Позьö кöдзыдысь повны — не повны,
Сöмын велавны некод оз куж
Кын окопъясын кокныда овны,—
Кöть тэ сизимысь войвылын чуж.

Быд война — сійо ад,
Абу олöм.
Кувны шуштöм,
Кор тэныд кызь ар.
Но эм кыв, кыз приказ,
Кыв эм «Колö!»
Колö дорйыны войвывса кар.

Гудök, гудök, тэ шойччöдышт асьтö,
Сет салдатъяслы бур вöта вой.
Си салдатъяслы шудаджык асыв...
Аски асывнас виччысьö бой...

Ылі муяс, ни пом ни дор ваяс
Эз на аддзыв, оз төд том салдат:
Зэв-ө паськыд да джуджыд Неваыс,
Зэв-ө мича да шань Ленинград?

Ленинград йылысь мөвпавсьö бара —
Мичлун
Аддзывтөг он гөгөрво.
О, кызд көсйыссьö воыны карас,
Кодкөд кынмаліс орчөн кык во.

Шудсö олөмыс оз өмөй ликты,
Оз мөй во сыкөд киасян кад?
Сьөлөм том мортлөн тіпкө да тіпкө:
Ленинград,
Ленинград,
Ленинград...

Тайö карыс став сё кыла йөзлы
Ас да дона, кызд сьөлөм да син:
Революция би сәні өзйис,
Сійö новлө Ильичнымалысь ним.

V.

Лөз Печоратö, мамтö, и асьтö
Дорьян тані тэ, коми салдат.
Сьөлөм тіпкөмыд морөсад казьтö:
Ленинград,
Ленинград,
Ленинград!

Да, война — сійö ад,
Абу олөм...
Ылын — муслун,

Зэв ылын — баян.
Орччөн ёртъяс, и сыысь нин долыд,
Роч Иванкөд кор коми Иван.

Көнкө ылын зэв, лөнъ асыввылын
Лымъя эшкынён шебрасьом му...
А землянкаын сись биыс сылө,
Көдзыд ывлаысь писькөдчө ру.

Мед көть олөмыс бергөдчис гугөн,
Но өд олөмлөн шыыс эз ланьт:
Прөстудитчыштөм гөлөса гудөк
Бара ловзьөдө том лейтенант.

VI.

Садьмис-чеччис лейтенантлөн взвод
Быдса фронткөд өттшөтш асья кадө,
Мед эз кывлы сэсся ловья морт
Горшө сатшкысяна кыв — «Блокада»...

Морөс пыкысь төв найөс оз кут,
Пөлаяс шынельлөн быттьө бордъяс:
Сөмын Ленинградын налөн шуд,
Сөмын Ленинград пыр туйыс гортлань.

Но сэк водзын мунысь лейтенант
Джөмдіс,
Суніс лымъя көдзыд бусө...
Кельдіс,
Кельдіс,
Кельдіс чужөмбан,
Ленинградлань дзоргысь синмыс кусі.

Оти здук,
И сувтіс олан кад.
Оти здук,
И оз нин вөрзвөд кинас,
Оз нин адзыв тэнö, Ленинград,
Оз нин окышт, Валя-Валентина.

Ваня, Ваня,
Менам дона вок,
Менам шөри вундөм доймөм сьөлөм,
Отув вөлі миян гаж и шог,
Сөнъясаным өткодь вирыс вөлі...

VII.

Ленинградсянь татчаньын,
Көні вөрыс тшем,
Валя нима станция
Көрт туй вылын эм.

Пармаын кодь гожөм сэн,
Миян кодь жө му.
Видзөны дзор пожөмьяс
Ыджыд братскөй гу.

Поезд төвзвө-чуксасьö
Пармалань быд лун,
Но оз садьмөд тутсөмнас
Усьөм йөзлысь ун.

Небыд муыс вояс чөж
Лунъюгыд оз восьт,
Орччөн төвзвьясь поездыс
Гортаныс оз босьт.

Кодӧс ӧнӧдз виччысям,
Буретш узьӧ тан —
Нэмнас некор бритчывтӧм
Коми лейтенант.

ЮРИНДАЛЫСЬ

Чужан му	5
Еджыд эрдьяс	6
Меным быдöнысь дона Войвыв	7
«Торъя муса овлö чужанинд...»	9
«Збыль, волюсь кунм кад...»	10
«Мед көть мунан шоныдінö...»	11
Мый көть сёрнит	12
Сöстöм пожöмьяс	14
Эм чужан сикт	15
Пыис ю	16
Ичöтик зонъяс. Баллада	17
Выль вося мөвпьяс	20
Кольöм лунъяс йылысь казътылöм	21
Тувсовъя	22
Бара кылалö йи	24
Майбырöй, гулысöй	26
Гожся серпас	27
Гожöм помын	28
Лун төв	29
Нимтöм ёль	30
«Коді йöз муын ветлывліс, тöдö...»	31
«Йöз муын кө чорыда висьман...»	33
Ленин	34
Медводдза букварь	35
Кузьчышъян	37
Сэки чужис Россияын Ленин	39

Памятник дорын	40
Октябрь	41
Шондіа Октябрь	42
Октябрьскöй праздник водзын	43
Партиялөн пи	44
Чужан лунөн, менам Комсомолöй	45
Тулысын	46
Челядь да война	47
Онөдз висьтавлөны фотояс	49
Поэт-салдат	52
Чёрной море	53
Куслытөм би	54
Чунь öти пу	55
Сьöкыд нима карын	56
Локтис бать дорас ныв	57
Төдса керка	58
Войнадырся парк	59
Ньöжйö кусö рытъя кыа	60
Война дырйи чужөм нывъяс	62
Кокныд бобув кодь ныв	63
Тэысь кындзи мем некод оз ков	65
«Онөдз на со менö босьтö шемöс...»	67
Романтика йылысь	68
Мамлөн сьöлөм	69
Салдатъяс	70
Коммунистьяс	71
Концерт	72
Тувсов войö	73
Кызьяс	75
Ме төда тэнö, мам	76
Кынмалыштөм пельясь	77

«Ю дор баддын төвру кышакылө...»	78
Усьё лым	79
Локтё гортас салдат	80
Бара гортынёсь	82
Гётрасьё салдат	83
Дзоридзьяс	84
«Казьтывлывлө мем военкомат...»	85
Гречанка. Баллада	86
Эстония	88
Куим рёма флаг	89
Дружба орден	90
Вуктылса аэропортын	92
Вой кыа	94
Зарни кодзув	95
Аттьё, изьватасъяс!	97
И. А. Куратовлы	99
Войвылын чөлалё лым	101
Ме локта гортё	102
Сиктса зон	103
Мамъяс йылысь сьыланкыв	105
Мамлөн кыв	106
Мам да пи	107
«Сэк кымөръяс шлывгисны шога...»	108
«Тайё кыз пуыс...»	109
Батькөд сёрни	110
Коді челядьөн озыр	111
Батьлөн кияс	113
Гортса пывсян	114
«Стрөг батьяс шуёны...»	115
Ёвкөджса пөчөлы	116
Медводдза учительницалы	117

Сиреневöй майкаа зон	119
Музыка кывзигөн	120
Менам тшöтшъялы	121
Пöчö	122
Шойччöм йылысь	123
Шондi	124
Ниа	125
Жонь	127
Рытъя сёрни	128
Арся вöрын	129
Кальсы	130
Зарава	132
Кыйсьысь да пон	133
Олём, олём...	135
Лым вылын гижöд	138
Югдигөн	139
Ю дорö зэвтöм вонъяс	140
Гулюяс	141
«Шондiбан...»	142
Сиктын	143
Камсамас	145
Адзылі Эжва йылысь	147
Льöмъю	149
Кöка войяс	150
Кокни бордъя Май	151
Югыд тöждлун	153
Йирсьöдчигөн	154
«Эжва кывтыд тövзьö теплоход...»	155
«Ме öд талун шондi петöм кöли...»	156
Истөг	157
Сувтас йи	158

Төвся асыв	159
«А гортса серпасъясыд...»	160
Мем нинөм абу веськодъ	161
Нимъяс	162
Парма вөр — сьёлөмшөр	163
Пожөма яг	164
Менам Мозын	165
Рөднөй школа	166
Гудөк	168
«Олөмсьыс ми быдөн...»	170
Тулысын му вывті ветлөдлө любов	171
Кор пöльыштас лун төв	173
Ю дорын, кырйын	175
«Шабді юрсиа нылөй...»	176
«Вежсьö мөдлапөвса ласта...»	177
Би кинь	178
Ми вөлім понөльяс кодъ томөсь	179
Лысва	180
Мыйла тэ он гөгөрво?	181
Тулыс воас	182
Тэнö кö радейтысь эм	184
Весиг тэ он төд	185
Вөлі	186
Мыйла тэ эн бергөдчыв?	187
Войвывса дзоридз	189
Кутшөм овлө муслун	190
Коли лун	191
Сөнъясын өткодь вир. Поэма	192

Альберт Егорович Ванеев
Стихотворения, поэма
На коми языке

Художник А. В. Мошев

Редактор В. А. Попов. Художественный редактор С. А. Холопов. Технический редактор А. Н. Вишнева. Корректор Е. П. Сидорова.

Сдано в набор 20/XI-1974 г. Подписано к печати 30/I-1975 г.
Формат 60×90¹/₃₂. Бум. л. 3,25; печ. л. 6,5; уч.-изд. л. 5,7.
Тираж 1600. Заказ № 6762. Ц01238. Цена 72 коп. Бумага № 2.
Коми книжное издательство. Сыктывкар, Дом печати.

г. Сыктывкар, Республиканская типография Управления по
делам издательств, полиграфии и книжной торговли Совета
Министров Коми АССР.

